

۱۱ نِسَانِ انْقِلَابِ

۳۱ مارت اختلال عسکریسی - حرکت اردو سنک حرکاتی -

۱۱ نِسَانِ مظفر قی - عبدالحمید ک خانی

محرری :

ا. ر

طابع و ناشری :



کتابخانه عسکری - ابراهیم حلمی

۴۶ - باب عالی جاده - ۴۶

۱۳۲۵



مقدمه

۱۱ نيسان انقلابی، تاريخ عثمانينك الك مهم والك بارلاق
بر صحيفه سنی تشکيل ايدر .

سلطين عثمانیه اره سنده وطنی الك زیاده خرابی به
سوق ایدن عبدالحمید ثانی نك ساحه سیاسیتدن قالقماسی،
افکار منوره ملتک ظلام مدهشه تعصبی سونکو یارلتیلر به
تاراج ایتسی، حیات اجتماعی ملته جهالت و تعصب
یوزندن حصوله کلن عصیان خصوصتکارانه نك هر دقیقه
ازالسه امکان موجود اولسی بو انقلاب عظیمک طبایع
میزه سندن معدوددر .

۱۱ نيسان انقلابی دور استبدادک خاتمه سی و دور
عدالت و حریتک مقدمه سی اولق اعتباریله تاریخ سیاسیات
عثمانیه ده پارلاق بر فصل مشترک تشکيل ایدم جکدر .
۱۷۸۹ اختلال کیری تاریخ جهان مدنیتده نه بیوک بر

کتابخانه اسلام و عسکری
تجار زاده ابراهیم حلمی

مطبعة آرتین آصادوریان ومخدوملری

دور کمال و ترقی به مبدأ تشکیل ایلدی ایسه ، ۱۱ نisan
انقلاب عظیمی ده تاریخ حیات ملتده عین صفحه تکاملی
وجوده کتیره جک ، عثمانی ملتک مبدأ فوز و سعادت
تشکیل ایلده جکدر .

شو کوچوک اثر ، ۳۱ مارت اختلال عسکرینک
الواح الیه سی ، ۱۱ نisan مظفریتک صفحات علویه سی
تصویر ایتک ، تاریخ انتقال ایدہ جک اولان بومهم
وقایع ضبط و قید ایتک مقصدیلہ وجوده کتیرلمشدر .

۱. عبدالحمیدک دسائی و اسباب اختلال

عبد الحمید و جنایتلری - ۱۰ تموز انقلابی - قانون اساسی -
فرقه منازعاتی - عبد الحمیدک اعاده استبداد تصوراتی - تدابیر خفیه سی -
فرقه منازعاتندن استفاده سی - اتحاد محمدی جمعی - بوجمیتک
ارتجاعه خدمتی - عبد الحمیدک قراری - آوجی طاہورلری -
عبد الحمیدک ملت عثمانیه خیانتی - مبدأ اختلال .

عبد الحمید تخت عثمانی به جالس اولدینی زمان ، سلطان
عبد العزیز دورینک سیئات متوالیه سی ملتی زبون و پریشان
براقیوردی . وطنمزی انقراضدن قورتارمق ، شانلی
برماضی به مالک اولان عثمانیلرک مقدرات آتیه سی تأمین
ایتمک ایچون بویوک برسی و غیرته ، خارق العاده
بردهای سیاسی به احتیاج مس ایدیوردی .

عبد الحمید ، بواحتیاجی ازاله ایدہ جکی وعد ایدرک
تخت عثمانی به جالس اولمش ، قاردشی سلطان مراد خامسک
خلعی ایچون هر درلو دسائسه مراجعت ایدہرک

نائل مقصد اولمى تأمین ایتمشدی. حیفاکه ملتک ادبار وفلاکتی ده اوتارینخدن اعتباراً بدأ ایله مشدی !

عبدالحمید ، بدایت جلوسنده فکر تجدد ابراز ایتک ایسته مشدی. اولاً مدحت پاشایی موقع صدارته کتیرمش ، مدحت پاشانک تشویق واصراری اوزرینه مشروطیت اعلان ایتمش ، فقط بونی بردرلو هضم ایده میهرک مدحت پاشایی طاقه نفی ایتدیر مشدی. دهاصوکره استبدادی اعاده ایچون هر درلو تدابیره توسل ایتمش ، عثمانلی روس حربنک ظهوری ملت ایچون مبدأ فلاکت تشکیل ایله مشدی.

عبد الحمید ، بوسفرک بوتون حرکاتی بیلدیزدن اداره ایدیور ، ملتک برجزؤ غضنفری اولان اردویی حربده بیله ید استبدادی آلتنده بولوندرمقدن حیا ایتیوردی . برلین قونغرهدسی ، عبدالحمیدک مظالمی یوزندن حصنوله کلان مغلوبیتلرک بتون جزالینی تعیین ایتمشدی. صربستان وقره طاغک استقلاللی ، بلغارستانک مختاریتی ، روم ایلیء شرقینک خریستیان بروالی اداره سنه ، قبریسک انکلتیره ، بوسنه هرسلک آوستریایه ، قارص ، باطوم واردهان جهتلرینک روسیه یه ترک ایدلسنه ، فضله اولارقده روسیه یه ۸۳۰ میلیون تضمینات اعطاسنه مجبوری حاصل اولمشدی.

عبد الحمید ایسه بومغلوبیت فحیه نک مکافاتنی اولمق اوزره غازی عنواننی احراز ایله مشدی .

آرتق عبد الحمیدک دورینسک بوندن صوکره دوام ایدن ایام حکومتی خونین برسلسله جنایاتدن بشقه برشی دکدر . برطرفدن روم ایلمنک محصلودار طور اقلری روسلر طرفندن ضبط اولونیور ، طونه نهرینک سبزین ساحلرینه معکس اولان سطح دلاراسی عثمانلی شهیدلرینک خون آود جسدلریله مالامال اولیوردی . دیگر طرفدن تونس کاملاً الدن کیدیور ، روم ایلیء شرقی بلغار استیلاسنه معروض اولیوردی . عبد الحمید وطنک بوفلاکتی قطعاً نظر اعتباره آلییوردی ؛ سلسله جنایاتی حقنده ملتک قوه محاکمه سنی کسر ایتک ، افکار ظالمانه سنی حس ایتیه جک برزمین متفسح حاضر لاق ایچون ملتک افساد اخلاق ایچون لازم کن تدابیری اتخاذ ایدیوردی . برطرفدن اسافل ناسدن مرکب جسم بر خفیه اردوسی تشکیل ایدیور ، بو اردونک هدف فلاکتی اولان اولاد معصومه ملتق فیزانلره سوردریور ، مرمرلرده بوغدریور ، آج براقیوردی .

عبد الحمیدک خلافتی اساساً مشروع دکلدی :

مواعظ دینیہ میں منع اجتناسار ایدن ، کتب دینیہ میں احراق
بالنار استییدن ، وطنک ترقیات مغنوبہ سنہ خادم کتب
معتبرہ میں محو ایلمہ بن ، اہل اسلامی مظالم کونا کونا ایلمہ نفی
وتلف استییدن بر خلیفہ نک بونام علوی میں احرازہ لیاقت
کسب ایدہ میہ جکی طبعی ایدی . فقط عبدالحمید ، ملتی حق
مشروعی بیلہ طلبیدن عاجز برافہ حق درجہ دہ تدابیر ظالمانہ
اجرا ایتمش ، وطنی بر خرابہ زار اسارتہ تحویل ایلمہ مشدی .
عبد الحمید دورینک یگانہ خاصہ ممتازہ سی حاسوسلقدن
عبارتدی . بو خاصہ منفورہ میں حائر اولان اسافل الکبیوک
موقعلری احراز ایدی بوردی . وطن او غورندہ تحصیل کالات
ایدن ناموس پروران ملت فقر و ضرورت ایچندہ پریشان
اولدینگی انشادہ ، عبد الحمید محافظہ حیات ایتمکدن متولد برنشوہ
فوق العادہ ایلمہ سرایندہ آتوںلر ، مجوهرلر ، ذوقلر ، نشہلر
ایچندہ اسرار حیات ایدی بوردی .

عصر حاضرک بو ظالم نeronی ، وطنی کرز یاشی ،
قان و آتش ایچندہ بر اقمشدی . تاریخندہ دور استبداد
نامہنی آلان بو دور مششومی خونین بر شائبہ جنایتلہ
ملوث بر اقان ارمنی قتالی ، ملتک ضرورت و سقالت
ایچندہ مظلوم و متاثر : حریت ! صدالین قلبی قلبی تکرار



مجلس مبعوثان رئیس احمد رضا بک

ایله مسی ، وطنك اداره حمیدیه مظللمندن بر آن اول
 خلاصی ایچون پدر و مادرینی ترك ایدن بك چوق اولاد
 وطنك آوروپاده ضرورت و محرومیت ایچنده، مردانه،
 فقط متأثرانه امرا ر حیات ایله مسی، حیثیت ملیه عثمانیه نك
 مغلوبیت سیاسیة یوزندن رهین اضمه حلال اولق درجه لرینه
 کلیسی اداره ظالمة حمیدیه نك طبایع ممیزه سندن مہدوددر .
 بو اداره مستبدہ تمام اوتوز اوج سنہ دوام ایتمش ، اوتوز
 اوج سنہ بومعصوم ملت خون و آتش ایچنده ضرورت،
 سسقات چکمش ، اوتوز اوج سنہ معزز وطنمزك هر
 پارچه سی عبدالحمیدك محافظه حیات و مظالمی اغورینه
 پارچه پارچه دشمن الینه تسلیم ایدلمشدی .

سلاطین عثمانیه نك اوتہ دن بری رعایت ایلدک لری
 عادات عثمانیه، عبدالحمید زماننده کاملاً محو اولمشدی .
 عثمانی پادشاہلری اجدادلرینك جوامع شریفه سی زیارت
 ایدرلر، انلرک سوابق شان وشوکتی ایله افتخار ایلرلردی .
 عبدالحمید ایسه وطنك اک مهم نقطہ لرینی صرف محافظه
 استبدادی ایچون دشمن الینه تسلیم ایتمش، دور سلطنتی
 دوام ایتدیکی مدتیجه ملتہ قان آغلا تمش اولد یغندن اجدادینك
 سطوت وشوکتی ایله زماننك مظالم وفلاکتی حقندہ اذهان

ناسده بر فکر مقایسه پیدا ایتمه مک ، دها طوغریسی
کندیسی هر درلو مظالمی ، اعتسافاتی ، غدارلغی ایله برابر
ینه خلقه ای طامق ایچون اجدادینک مفاخره سکریه سنی ،
مظفريات فوق العاده سنی لسانه آدیرماز ، آنلرک مراقدینی
بیله زیارت ایتمکن اجتناب ایلردی .

عبدالحمید ، ملتی بار استبداد آلتسده ازمش ، ملتک
شعله افکارینی سوندیرمک ایچون هر درلو مظالمی اجرادن
کری طور مامشدی . سلاطین عثمانیه اسانید شعر و انشایه
حرمت ایدرلر ، ادبایی مظهر احترام ایتمکن خالی قالمالار .
بوش زمانلرینی مطالعه تواریح و تنظیم اشعار ایله امرار
ایدرلر ، وقت سفرده محاربه میدانلرنده فدای جان
ایلرلردی . عبدالحمید ، وطنک بر ترانه دار ذیروخی ،
اولاد وطنک اک حساسی اولان شعرا و ادبایی منفارده
سوروندیرر . آنلرک اولاد و عیالی نان پارهیه محتاج بر
حاله براقیر ، بوش وقتلرینی نیجه خانمالرک سونمسه بادی
اولان ، ملتی قهر و ادبار ایچنده یاشامق ایچون اسافل
جواسیس طرفندن ترتیب اولنان ژورناللری مطالعه ایله
امرار ایدرلردی .

عبدالحمید ، پیلدیز سرانی کندیسنه مقر استبداد

اتخاذ ایتمش ، اجدادینک اثرینه قطعاً اقتفا ایتزدی . عبدالحمیده
کلنجیه قدر بتون عثمانی پادشاهلری مزین و محترم سلطنت
قایقیرله شاهانه تفرجلی اجرا ایدرلر ، کاه بکفوزک سایه دار
اورمانلری ایچنده ، کاه کاغذخانه ک چاغلیان کوشکلرنده
امرار حیسات ایلرلر ، ملتله برابر یاشارلر ، ملتله تماسده
بولونمغه غیرت ایدرلردی . عبدالحمید ، ملتک بر خصم جانی
ایدی . ملتی محو و پریشان ایلمکی کندیسنه مشغله یکانه
اتخاذ ایله مشدی . انک عنندنه مفاخر اجدادک ، رحم
و شفقتک ذره قدر اهمیتی یوقدی . اک مقدس بیلدیکی
شی ، نفسی و بونفسی محافظه ایتک ایچون اتخاذ ایله دیکی
تدابیر ظالمانه ایدی .

بر حکمدارک ملتله برابر یاشامسی ، ملتک احوال
ظاهریه و فکریه سنه مطلع اولمسی ، ملتک محبت قلییه
واحترامات مخصوصه سنی جلب ایچون فوق العاده الزمدر .
عبدالحمید ملتدن او قدر اوزاق یاشامش ، اولاد وطنک
پریشانیسنه اودرجه غیرت ایله مشدی که ، هرکسک قلبنده
ظلم و استبداد ایله مرادف اولان بو نامه قارشى عظیم بر
نفرت و عداوت حاصل اولمشدی . بو عداوت انقلاب
اخیری متعاقب فعلاده اثبات ایدلمش ، عبدالحمید نامی

وطنپرور قلبلرده عظیم برحس نفرت پیدا ایتمکدن خالی
قالمامشدی .

عثمانیلرک وبالخاصه عثمانلی اردوسنک حکمدارلرینه
محبتی مثل سائر حکمنده در . عثمانلی اردوسنک مظفرتی،
عثمانلی پادشاهنک مظفرتی عد و اعتبار اولنوردی . ملت
ایله پادشاهینندهکی روابط غایت صمیمانه ایدی . بوروابط،
عبدالحمید ثانی زماننده ظاهری بر حال کسب ایتمش، فقط
قلبلردن الی الابد سیلنممشدی .

حال بوکه ملت ایله پادشاه بیننده غایت صمیمی بر
رابطه موجود اولمق اقتضا ایدر . حکمدار بر ملتک
تمثال نجابتیدر . ملتک نظر حرمت و احترامی جلب
ایتمین بر حکمدارک تحت و تاجی اساسی بر استادگاه
موقتدن، محکوم زوال بر شعله موقتهدن بشقه بر شی
دکدر . بیوک فره دریقک دیدیکی کبی : « بر حکمدار
ملتک اک برنجی خادمی اولمالیدر . » و بوخدمتده ملتک
اعماق قلبنده عظیم بر حس احترام اویاتدیرمالیدر .

عثمانلی ملتی ، اوتوز اوچ سنه دن بری حکمداره
محبت حسنی قلبندن ابدیاً سیلنمشدی . و بونیده کندلیسی
ایچون موجودیت ملیه نامنه حقیقی بر محرومیت ، بر

اکسیکلک عد ایدیوردی . اوروپا حکمدارلرینک فعالیت
سیاسیه سنی، مناسبات بین المللده حائر اولدقلری موقع
واعتباری صحیفه جرائدده مطالعه ایتدجه، بونی عبدالحمیدک
مظالم و سیئاتی ایله مقایسه ایدیور، بتون جرائد اجنبیه نک
(قانونی سلطان) نامیله یاد ایلدکری، حکمداران موجوده
میداننده اک ظالمردن عد اولتان بر پادشاه مالک اولمق
بدبختلغنه دوچار اولدقلرندن طولانی مایوس اولیورلردی .
عبدالحمیدک قاردشلی حقننده نفرت وعدواتی پک
ظالمانه ایدی : عبدالحمید، طولمه باغچه سراینده اقامت ایدن
سلطان محمد رشاد خان خامس حضرتلرینی جاسوسلرله
محاصره ایتدیریور ، سلطان مراد مظلومی چراغان سراینه
حبس ایدیوردی . بویاکی سرای ، عبدالحمید ظالمک
برادرلرینه تخصیص ایتدیکی برر محبس حکمنده ایدی . بو
سرایلرک اطراف صباحرله قدر نوبتیلرله ترصدایدیلردی .
قیشین، دکرده مدهش طالعه لر، هواده حیاقفریب قاصرغهر
پیدا ایدن هولناک، خشیت انکیز فورتنه لر، مرمریه ناظر بو
ایکی سرایک ریختملری اوزرینه برصولت عقورانه ایله
آیلدینی زمان ، اوراده ، عبدالحمیدک تطمین احتراصاتی
ایچون صباحرله قدر نوبت بکله یین ییچاره نقراتی تفشکلر یله

برابر آلیز کتورر ، مائی مرمره نك قهرنده یاتان شهیدای
 وطنه معصوم بروطن اولادی دهال التحاق ایلردی . بعضاً
 چراغان سراینك جسم آیلانتوسلر ، معطر اخلامورلر ،
 مهیب چنارلر آلتنده برسکون ماتمین ایله آغلایور کبی طوران
 پنجره لرینه عطف نظر اولندی فی زمان ، بوراده محبوس بر
 پادشاهك اولاد لرله برابر یأس و سفالت ایچنده یاشادینی
 تحطراولونور ، اوزمان وطنی ، ملتی ، خاندان سلطنتی فلاکت
 واضمحلاله سوق ایدن ییلدیز ظالمی حقنده قلبده عظیم بر
 طغیان عداوت حصوله کلیردی .

برصباح ، مراد مظلومك وفاتی بر لایقیدی ، ظالمانه ایله
 ملتیه اعلان و اخبار ایدن بر تبلیغ رسمی ، بتون کوزلره اشك
 تأثر دو کدیرمشدی . عبدالحمید ، خاتمانلر سون دیرن
 خفیله لرینك جنازه سی ایچون هر درلو اختفالاته مساعدده ایله دیکی
 حالده ، ییچاره قارده شنك نعش محترمی بر صباح ایرکندن ، درت
 خفیله اوموزنده یکی جامعه نقل ایتدیرمشدی . اوکون
 جنازه نك کچه جکی سوقاقلر ، بو فاجعه العیه نك قلب ملتده
 حس انتقام تولید ایتمه سی ایچون کاملاً تخلیه ایدلش ،
 نك توك کلوب کچس لر برر برر نفی اولونمشدی .
 عبدالحمیدك بو ظلمی ملتی اودرجه متأثر ایتشدی که ، پك

چوق کیمسلر مراد خامسك حیات بدبختانه سی ایچون
 اشك تأثیر دوکیور ، بابالری زندان کوشه لر نده یاتان ، فیزانلره
 نفی اولونان عائله لر آجی آجی آغلایسورلر ، فقر
 و ضرورت ایچنده یاشامغه محکوم اولیورلردی .

عبدالحمیدك استبدادی آرتق تحمل ایدیه میه جك بر
 درجه به کله شدی . بو کابوس مظالمی ملتک سر فلاکتندن
 قالدیرمادجه امید نجات و سلامت امکان خارچنده ایدی .
 عبدالحمیدك ازاله وجودینه تشبث ایدن فداکاران وطن ،
 ییلدیز میداتی مدهش بر بومبا تأثیریه مخوف زلزله لر
 ایچنده بر اقدقلری زمان ، عبدالحمیدینه تخلیص حیاتیه
 موفق اولمش ، جکرلری پارچه لایان چوجقلر ، قانلره
 بوغولان عسکرلر ، دیوارلره پایشان انسان بینلری ،
 قانی ات پارچه لرلی اره سندن بر هیولای ظلم و اعتساف
 حالنده سراینه دونمشدی . آراتق اوندن سوکره محبس لر ،
 زندانلر تکرار آچیلمش ، قافله مظلومین کوزلرندن خون
 تأثر آقیده رق مجھول افقلره طوغری کوندورلکه
 باشلامشدی .

عبدالحمید عثمانلی ملتک فلاکتیه خدمت ایدی یوردی . ملت ،
 فقر و ضرورت ایچنده یاشادینی ، یمنه سوق اولونان عسکرلر

معاشسز، اج بی علاج چوللر اور ته سندھ قالدی فی حالده، عبد الحمید
واردات حکومتی سرقت ایدیور، حق ملتی غصب ایدیوردی.
اردونك تجهیز و تنسیق حقدنه متعدد لایحه لر تقدیم ایدلدیکی
حالده، عبد الحمید بونلرک هیچ برینی مطالعه ایتیمور، خانمانلر
سوندیزن، عائله لر پریشان ایدن زور ناللر مطالعه سیله وقت کچیر
ییوردی، ملت، ضرورت و سفالت ایچنده یاشایور، عبد الحمید
موفقیات ظالمانه سندن ممنون و مفتخر یوزلرجه جاریه لر،
الماسلر، یاقوتلر، آلتونلر، باقنوطلر، بی نهایت زور ناللر
ایچنده خونریزانه، خسیسانه بر حیات امهار ایدیوردی.
عبد الحمید، اولاد وطنی بربرر منفالرده سوروندیردیکی
انصاده روم ایلیده آتش اختلال حکم فرما اولیوردی.
وطنك بو دلنشین ساحه لری کنج ضابطلرک، بیچاره
عائله لرک، معصوم چوجقلرک قانلریله مالامال اولیوردی،
ییلدیز سرائی طولدیران اسافل حشرات کویا ناموس پروران
ملتک مقدراتیله استمزا ایدیورمش کی هر درلو نعم والطفانه
مستغرق اولدقلری انصاده، اناطولیده قحط و سفالت حکم فرما
اولیوردی. ساحه وطنی طولدیران فریاد مظلومین
عبد الحمیدک ظلم و جنایتله قاراران وجداننده بر عکس
ترحم بولامیور، فقط جکرکاه ملتسندن قویان فغان



مظلومانه بارگاه ابدیتده جای قبول بولیور ، عبدالحمیدك
خاتمه استبدادی آراتق تقرب ایدیوردی . ۱۰ تموز
انقلابی بو سلسله استبداده نهایت ویرمش ، ملت عظیم
بر سرور حریت ایچنده اثبات موجودیت ایله مشدی .

۱۰ تموز انقلابی روم ایلیده قطعی نتیجه لر حصوله
کثیره جك درجه ده حاضر لاندینی انشاده استانبول بار
استبداد آلتیده بی تاب بولیور دی . بو استبدادك
هوای فاسدینه آیشانلر کینیش نفسلر آلهرق حالدن
ممنون ، آتیدن بی خبر بر صورتده عبدالحمیدك قوتنه
استناد ایدیور ، وطنی قوه قاهره سیله فلاکتدن تخلص
ایده جك اردونك رسنه طاغلرندن بیلدیزی تهدیدات
متوالیه سی آلتیده بولوندردیغنی خبر آلان وطن پروران
ملت ایسه قلبلرنده عظیم برفرح و انبساط اولدینی حالده
آتی وطنك شمعنه بی نهایت سیله ممنون اولیوردی . فقط
بر صبح ، اوراق حوادثه کورولن بر اعلان ، ملتك
ناصیه سنده ظاهری برلعه سرور حصوله کتیردی . جبراً
آنان بر حریتی صافدلان اهلایه قارشى لطفاً ویرمش بر
عاطفت صورتنده کوسترن بو اعلان رسمی شوسطرلری
احتوا ایدیوردی :

شرف‌تلق بی‌سوریلان ارادهٔ سنیّه حضرت ظل‌اللهی
منطوق هایتجه مرجع عالی‌سندن کشیده قلنان تلغرافنامه
عمومی صورتیدر :

تأسیس جلیل جناب خلافت‌نهای اولان قانون‌اساسیده
صورت تشکیلی بیان اولنان مجلس مبعوثانك اجتماعه دعوت
اولنسی شرف‌تلق بی‌سوریلان ارادهٔ سنیّه حضرت خلافت‌نهای
ایجاب عالی‌سندن بولنش وحکم جلیلی بالجمله ولایات شاهانه
والیکلر یله لویه غیر ملحقه متصرفلرینه تبلیغ قلمش اولغله
اوراجده قانون مذکورده مندرج صفاتی حائز اعضا ك
انتخابك اجراسی .

تموزك اون برنجی کونی صباحی، استیصال حریت ایدن
عثمانیلری عظیم برمنونیت ایچنده براقان بواعلان، سنه لردن
بری ظلم واستبداددن بشقه برشی کورمه‌ین ملت کینش
بر نفس آلدیردی . آرتق سواقلر بیوک بر
سوینج ایچنده دونانیور ، نمایشلر کوز یاشلری ایچنده
اجرا ایدیلیور ، بتون شهر بی نهایت برترانه حریت
ایچنده عکس انداز اولیوردی . بوسرور وشادمانی‌یه عبد
الحمید بیله اشتراك ایدر کی کورونیوردی . غزته‌لر جبراً

آنان بوحریتك عبدالحمید طرفندن ویرلدیکی یازه‌حق
درجه‌ده ابراز سماحت ایدیوردی . بوشلکلر کیجه
کوندوز، آیلرجه دوام ایش ، نهایت انتخاب اجراسنه
موفقیت حاصل اولمش، مجلس مبعوثان عظیم بردبدیه ایله
کشاد ایدلمشدی .

عبدالحمیدك مجلس مبعوثانده همان پك آز مدت
طورمسی‌ده اثبات ایدیوردی که ، ملتك قاننی دوکمدکن
باشقه بر وظیفه ایضا ایتمین بو قاننی پادشاه وطنك حریتی
بر درلو چکمه‌مش ، ملتی بتون حریت وجدان وافعایله
کورمکدنسه بر آن اول مجلس مبعوثاندن چکمه‌کی ترجیح
ایتمشدی . و او آندن اعتباراً بو معزز حریتی ماتك
آلندن غصب ایتك ، ساسله جنایانه یکیدن باشلامق ایچون
تدبیرلر ، دسیسه‌لر دوشونمکه باشلاهشدی .

عبدالحمیدی سلطنتده براقق کبی بیوک بر علوجناب
اظهار ایدن ملت ، بو ظالم پادشاهه ظاهری بر محبت
ابراز ایتمکدن ده‌خالی قالمامشدی . آرتق هرکس عبدالحمیدك
اعادهٔ استبداده موفق اولامیه جغنه قائل اولیور ، آوجی
طابورلری سلائیکن استانبوله کتیریلیور ، فکر حریت
خدمت ایدن بو طابورلردن رجعت استبداده قارشی

مقاومت اجرائی تصور اولونیوردی . بو طابورلره
 حندن زیاده اهمیت ویریلیور، آوجی طابورلرینک سائر
 طابورلر اوزرینه بیوک تاثیر اجرا ایتدیکی کورولیوردی .
 بو تاثیرک ، ۳۱ مارت اختلال عسکر یسنه پک بیوک
 دخلی اولمش ، حریتی محافظه مأمور ظن ایدیلن
 دردنجی آوجی طابوری استبدادی اعاده یه خدمت ایله مشدر .

جلس مبعوثانک کشادنن برمدت صوکره فرقه منازعاتی
 باش کوستر مشدی . بو منازعات شخصیه انتقال ایده جک
 درجده دوام ایدیور، جر منفعت ایچون تشکیل اولونان
 بعض جمعیتلرمیال استبداد اولان ذهنلرده برامل ارتجاع حصوله
 کتیریوردی . فکر ارتجاع ، بتون قانلی لوحه لرله
 قومدن فعله کلمک ایچون آتی بر فرصتک، قوتلی بر تشویقک
 ظهورینه وابسته بولونیوردی . او آنه قدر فکر
 ارتجاعک ظهورینه یکانه مانع، اتحاد و ترقی جمعیتی ایدی .
 جمعیت محافظه مشروطیته مقتدر، منور، وطنپرور فکرلردن
 مرکب بولونیور، ملتی استبداددن خلاص ایچون هر درلو
 فداکارلنی اختیار ایدیوردی . فقط جمعیه مخالف اولمق اوزره
 اتحاد محمدی نامیله اساسسز ، فقط جلب قلوب ایچون
 مؤثر بر جمعیتک تأسیسی، جمعیتدن نمون اولمیانلرله

فکر استبداده خدمت ایدنلر ایچون بر وسیله
 انتفاع اتخاذ ایدلمشدی . بو جمعیت اعاده استبداد ایچون
 تأسیس ایدلمش اولدینی حلاله ، اسمنک اهمیتی جهلای
 عوام اوزرینه بیوک بر تاثیر اجرا ایدیور ، غیر نمونلر
 فرقه سنه بر استناد تشکیل ایدیوردی . عبدالحمید بو
 حادثات سیاسیته نک بتون صفحاتی تعقیب ایدیوردی .
 عبدالحمیدک بر مقصدی واردی : اتحاد محمدی جمعیتی آله
 ایتک ، اتحاد فرقه سیله احرار فرقه سی یئنده کی منازعاتدن
 استفاده ایلمک ، جهله ناسی بر تاثیر معنوی ایله آله
 ایتدکدن صوکره بوقوتی آوجی طابورلرینه قارشى استعمال
 ایله مکدی . عبدالحمید آوجی طابورلرینی آله ایتدکدن
 صوکره بتون طابورلری قیام ایتدیرمکچکی بیلیور، و بو
 سایه ده مشروطیتی ده، حریتی ده پریشان ایده جکنه، کندیسندن
 استرداد حریته موفق اولان ملتدن حقیقی بر انتقام
 آلاجهنه قانع بولونیوردی .

عبدالحمید ، اجنبی بانقلرلردن کتیرتدیکی ایکی ملیون
 لیرایی بو املک حصوله تخصیص ایدیور ، دردنجی
 آوجی طابورینی آله ایتک ایچون پاره لر توزیع ایتدیریوردی .
 عبدالحمیدک افراده تلقین ایتدیردیکی یکانه فکر ، شریعت

ایسته مکدن عبارتدی . فقط شریعت اولانجه علوتیه
حکم فرما اولیوردی !

عبدالحمید بو تصورات لئیمه ایله مشغول اولدینی
صرده بر غزته محرینک کوپری اوزرنده قتلی ایشه
باشقه بر رنک ویرمش ، خصوصیه قاتلک بولونمامسی
بو جنایته برکسوه اسرارانکیز بخش ایله مشدی . عبدالحمید
بوفرصتی قاجیر مامغه قرار ویریور ، اعاده استبداد ایچون ترتیب
ایتدیک ی بلانی آتی بر صورتده تطبیق ایله مکه باشلایوردی . بر
طرفدن قیشله لر کیزلی کیزلی یاره لر توزیع ایدیلور ، یواره لر
درجیب ایدن جهلای نفرات در حال برر حامی شریعت
کسیلیوردی . عبدالحمید هر شئی حاضر لامشدی .
عسکرک اجانبه طوقونمامسی تأمین ، اختلالک مقتدر خائنلر
طرفندن اداره سنی تسهیل ایله مشدی . بتون عسکر
آیا صوفیه میداننه طوبلاننه حق ، شریعتک محو اولدینی
سویلمنه جک ، جمعیت محو ایدیلنه جک ، حریته خدمت
ایدن ضابطلر کسیله جک ، مبعوثلردن اک مقتدرلری تلف
ایدیلنه جک ، قاینه نك دکشدرلمسی طلب اولونه جقدی .
و صوکره عبدالحمید ، سنه لردن بری طومادینی قانلره


افراد معصومه ملتی سراپا غرق ایدهرک سفیل یاشلری ،
جانی مأمورلری ، آلاق جاسوسلریله ادامه حیات ایدنه جک ،
ینه اولاد وطن منفالرده سورونه جک ، ینه ضابطان
سفالت ایچنده یاشایه جق ، ینه چو جقلر اوکسوز قاله جق ،
مرارتلی کوز یاشلری دوکوله جکدی !

۲. ۳۱ مارت اختلال عسکریسی

۳۱ مارت صباخی - عاصی عسکر لړك آيا صوفيه او كنده اجتماعي -
۳۱ مارت وقايي - ۱ نيسان كيجه سي - ۱ نيسان وقايي - مكشيلي
ضابطانك قتل - ۳ نيسان سلامتي - استبداد عسكري - عبدالحميدك
ممنوني - اختلال عسكري نك ايكسجي واو چنچي اردولره تأثيري - حريت
اردوسنك استانبول اوزرينه حركتي .

۳۱ مارت صباخی، استانبول آفاقي دهشتلر ايجنده
براقان متوالی تفنك صدری ايله انفلاق ايتمشدی. كيجه
ساعت يديده باشلايان عصيان عسكری كتدكجه توسع
ايدنيور، عسکر آياصوفيه ميدانه فوج فوج طوپلانيور،
يشيل، سياه، بياض بايراكلر بو عصيان عسكری
مرتبليرنك فكرلری قدر مشوش بر حالده آياصوفيه ميداننده
تموج ايدنيوردی. آرتق هر كس سوقاقلره فيرلامشدی.
اختلالك ايلك نشانه هيجان انگیزی اولان تفنك صدری
خلقى تماماً ايفاظ ايتمش، هر كس بوناكهانی اختلالك

طاش قيشله



اسپانی اکلایق ایچون متردد خطوه لرله ایلریلیور، صباحک
 سکونت سحریسی ایچنده آیاصوفیه میداننه طوغر و مسلح
 عسکرلرک، خواجه لرک قافله قافله کیتدکری کورولیوردی.
 اوتنه ده، بوغلبه لکک متوالی جریانلری اره سنده، قیرمزی
 فسلی، پانطالونی بیرتیق، فسی پوسکولسز، یارمقلری
 بوطنیندن چیقمش برسر سرنک بدمستانه، عاصیانه برطور
 ایله شریعتدن بحث ایتدیکی ایشیدیلیور، بریده بو عصیان الیم
 نتیجه لر احداث ایده جکنه مطمئن بروطنرور، ملال
 آلود، اندیشه ناک برسیا ایله دوشونیور و بو اختلالک
 بتون صفحاتی تدقیق ایچون قافله لر اره سنده ایلریلیوردی.
 آیاصوفیه میدانی ضاری البسه لی، پارلاق سونکولی آوجی
 طابوری افرادیله طولمشدی. جیلیری آلتونلرله تولدیران
 بو عاصیلر، شریعتک بررقهرمانی کسيلمشردی. بتون
 عسکر آیاصوفیه میدانی احاطه ایتمش، سوقاق باشلرینی
 طوتمش، خواجه لردن بشقه کیمسه نک کچمه سنه مساعده
 ایتمیوردی. سلطان احمد باغچه سنک اوکی صنایع آلائی صبیان
 بلوکلریله قوشادلمشدی. وطنک بونانکور چوچقلری، اللرنده
 مارتینلر، متصل اوینایورلر، ییلیشیق، شیاریق برسیا ایله تفشکرینه
 طیانایورلر، آوجی طابوری نفرلرینک بتون امرلرینه

منقاد اولیورلردی . آیاصوفیه میدانی، دیوان یول اطرافنی
 احاطه ایدن بوعاصی عسکراره سندن هیچ برکیسه چکه یور،
 پولیسار کویا بو حرکت عصیانیده ادامه انضباطه مامور
 اعشار کی برفعالیت فوق العاده ایله عسکرلاره سنده
 طولا شیورلردی . اوتوده برزاندیره ، فسنی آرقه سینه
 ییقمش ، تفکنی اوموزینه آلمش ، آلدن آقان ترلری
 سیلیور ، دیگر طرفدن صیدیان افرادینه نطقلر ایراد
 ایدیور ، و بو حاکمیتدن ممنون و مفتخر صفرلاره سنده
 طولا شیورلردی . صوکره بر قیچ آرجی نفری قیشله لره
 قوشیور ، اغفال ایستیک نفیرلره برابر دیوان باندن کیوردی .
 خلق بو اختلال عسکرینک بتون اسرارینه غیر واقف
 دیوان یوانده کتدکجه تزايد ایدیور ، حریبه نظارتی جواری
 عاصی عسکرله مالا مال اولیورلردی . عصیان عسکری بی
 باصدیرمق آرتق امکان خارجه کلشدی . خاصه قوماندانی
 بواختلالک بر آن اول اوکی آلق ایسته مش ، فقط حریبه
 ناظرینک ترددی ، صدر اعظمک قورققلانی هیچ بر تدبیر
 اتحادینی تأمین ایده مه مشدی . اختلال کتدکجه توسع
 ایدیورلردی . قیشله لرده ضابطلر پارچه پارچه ایدیلیور ،
 نصیحت جرات ایدن ضابطان ایکی قورشونله آتدن

دوشور یلیوردی . بوجنایتلر کتدکجه تزايد ایدیورلردی .
 برضابط کو پریده جانیه بر صورتده قتل ایدلمش ، آقشاملره
 قدر سوقاق اورتلرنده یاتیور ، آراهه جیلر بر تعصب ظالمانه
 ایله بوبدبخت قهرمانی طاشیمقدن اجتناب ایدیورلردی . آرتق
 بتون سوقاقلر اهالی ایله طولمش ، دیوان یولنک غلبه لکی
 فوق العاده تزايد ایله مشدی . ساعت بشه طوغرو ایدی که ،
 اوزاقدن بیاض ، بم بیاض بر قافله کورلردی . بوقافله ، صرف
 خواهه لردن مرکبدی . قافله نک اطرافنده اوزون بویلی ،
 کونشدن یوزلری یاغش عسکرلرک کسکین قصاطوره لری
 پارلایور ، اوکده بر بوریزن آیاصوفیه میدانسه طوغرو
 بوزو چالیورلردی . قافله نک اوکنده ، ایچنده ، اطرافنده
 پرمده قیافت ، آیانی چپلاق ، تعصبندن چیلدیرمق
 درجه لینه کلش جهله عوامک باغیره باغیره کیتدکلی
 کورولیور و بتون و بولوله عظاما ایچنده آهسته ، خفیف
 تکبیر صدالری ایشیدیلیورلردی .

بوقافله آیاصوفیه میدانی تماماً طولدیرمش . عسکرلردن
 نه ایستدکلی سئوال اولونمشدی . عسکر درتشی طلب
 ایدیورلردی :

۲ . مبعوثانندن بمعضلك مباحثتی ،

۳ . احكام شرعيه نك تمامی تطبیق ،

۴ . آلايلي ضابطانك یرلینه تعیین .

فقط بودرت آرزو ، استبدادی اعاده ایچون تماماً کافی
ایدی . عسکر بو آرزونك ساعت یدی به قدر ایفاسنی طباب
ایدیور ، بواننده جنایتلر ایقاعندن خالی قالمیوردی .
بنای ربانی ظالمانه بر صورتده ییقمق جسارتی کوسترن
بودنیلر ، جیلرینه طولیدردقلری رشوتلر تأثیری ایله
شریعتدن ، عدالتدن بحث ایدیورلردی . آرتق تفنك
صدالری استانبول آفاقنده مدید طینیلر حصوله کتیرمکه
باشلامشدی . جیخانلر چاتیر چاتیر قیریلیور ، سلاخلر
حریصانه یغما اولونیوردی . وطن ، ملت ، حریت تهلمکده
بولونیوردی . هرکس ایکیشراوچر طوپلامش ، بو اختلالدن
متأثرانه بحث ایدیور ، عاصی نفر قورشونندن قورتیلان
کنج ، وطنپرور ضابطلرک سیویل البسه لرله کردکلری
کورولیوردی . بتون بو عاصی نفرلرله ایسته دکلری سئوال
اولوندینی زمان : شریعت ایسترز ! دیسورلر ، فقط بو
طلبلرینی محق کوستره جك هیچ بر دلیل کوستره میورلردی .
ایاصوفیه میداننده ، بیاض چیچکلر آچغه باشلایان کستانه

آغاجلرینك لطیف کولکلری آلتنده صاری البسه لی عسکرلرک
سونکولری پارلایور ، بتون حرکات آوجی طابورندن ایکی
چاوش طرفندن اداره اولونیوردی . بو چاوشلر بتون
عسکره قوماندانلق ایدیور ، معیتلرنده برقاچ نفرله بر
بورزن بولونیوردی . ایکی چاوشك بروضع وقورانه ایله
ویردکلری امرلر تکمیل افراد طرفندن کال سرعتله اجرا
اولونیوردی .

اوکون مجلس مبعوثانه کلن مبعوثلرک مجموعی ، انحق قرقه
بالغ اولمشدی . مبعوثلردن بمعضلری وطنك تهلمکده بولوندیغی
بیان ایدیور ، عصانك آرزولرینی اسمافدن بشقه چاره
قلمدینی درمیان اولونیوردی . فقط قابیلرده جایکیراولان
اندیشه وهیجان ، کال سکونتله اجرای مذاکره به مانع
اولیوردی .

مبعوثان ، مذاکرات ایله مشغول اولدینی صروده
سونکولی نفرلرله برابر برهیئت علمیه مبعوثان سالوننه
داخل اولمشدی ، هر طرفده عظیم برهیجان حکم فرما
اولیوردی . طیشاریده ، ایاصوفیه میداننده ، صاری البسه لی
آوجی نفرلری ، پرمردده قیافت ، بیاض صاریقیل خواجهلر
برسیلابه بو قلمون حالنده دائمی برطغیان اچکنده بولونیور ،

آجی آجی سامعه به عکس ایدن بورو صداری متادیا
تکرر ایدیور ، عسکرلرک مدھش آوازه لری توکاری
اور پرتیوردی .

مبعوثان دن بعضری باب عالی ایله ، حریبه نظارتی
ایله محاوره ایدیور ، مجلس مبعوثانده قابینه به عدم اعتماد
فکرلری ایلری به سورولیوردی . بو صرده بر قاج نفر ،
پارلاق سونکولری ، ماحی حیات تفنکریله ایجری کیرمشله ،
صراملری افهام ایدمه جهك بر جهالت صرفه ایچنده خوف
وتهدید اماردلر کوستریورلردی . هیئت مرخصه علمیه دن
بر ذات ، عاصی عسکرلرک سونکو اوچلرینه کوه نهرک
کرسى خطابه چیقمش ، جاهلانه ، عاصیانه بر نطقه بو
عاصی عسکرلرک حسیاتنه ترجان اولق ایستیوردی . وطنده
شریعت اولانجه احکامیه جاری اولدینی حالد مبعوثانه
شریعت درسی ویریلیور ، فقط طیشاریده ، سوقاق باشلرنده
قیشله حولیلرنده بیک درلو جنایتلر ایقاع اولونیوردی .
انسان بتون بوجنایتلری ، بتون بومطالبات غیر مشروعه یی
دوشوندکجه شریعت نامنه فریاد ایتکدن کنديسنی آلامیوردی !
بونطق جاهلانه حقام بولور بولماز ، قیر صقاللی بر
بیکباشی مبعوثان صره لرینه چیقمش ، مهیج ، تهدید آمیز

بر صدایله شریعت اغورنده فدای جان ایده جکئی سورولیوردی .
فقط نطقنک نهایتده چولق چوجق صاحبی اولدینفی ،
آچیه چیقارلش بولوندینفی بر صفوت جاهلانه ایله بیان
ایله دیکئی زمان ، کنديسنک شریعت اغورنده دکل ، ملنک
علوجنابی سایه سنده هر زمان بولایلدیکئی نان ونعمتی افکار
ایده رک حرص وطمعی اغورنده قانلر دوکک ایستدیکئی افهام
ایدیوردی .

مبعوثان ، بیک درلو رجالره بوهیت مرخصه یی
طیشاری چقارمه موفق اولش ، نهایت قابینه نك استعفا
ایتمسه قرار ویرمشدی . نفرلر ایسه متصل تلغرافه مراجعت
ایدیورلر ، سلطان حمیدک کلکئی مصرانه ، تهدیدکارانه
طلب ایلمورلردی . بر قاج دفعه لر : «سلطان حمید کلیور !»
دیه شایع لر چیقمش ، خنکارلوجه سی تمیزلش ، فقط
عبدالحمید ییلدیز سراینسده قادیلر اره سنندن طیشاری
چیقماشدی .


آیاصوفیه میداننده غلبه لک کتدکجه تزايد ایدیور ،
سوقاقلردن کچمک امکان خارجه کلیوردی . بر طرفدن
سونکولری طاقش نفرلر ، ترلر ایچنده ، هیچ بر طرفه
باقیه رق آقین آقین کلیور ، دیگر طرفدن میدانه داخل

اولان قطعلر ، جاوشلرك امريله كنديلرينسه كوستريلن
 يرلرده اخذ موقع ايدىيورلردى . اوزاقدن ياواش
 ياواش ، صارارامش ، بم بياض بگز لرله برقاج مبعوث كورونمكه
 باشلامشدى . هر مبعوثك رفاقتنده ايكي نفر كيديور ، فقط
 مبعوثلرده عظيم برتردد نمايان اوليوردى . بونلر كاه ايلر-
 يليور . كاه كريله مك ايسستيور ، كنديلريني هر طرفدن
 احاطه ايدن اولوم تهلكه لري ايچنده هيچان انكيز ، فقط
 ييتابانه آديملرله ايلر يليورلردى . بر مدت صوكره بر آرابه
 طور ديرلمش ، كنج بر مبعوثه آرابه دن اينسى تكليف
 ايدىليوردى . سونكولر تهديد آهيز بر صورتده اوزرينسه
 توجه ايدىليور . بو محترم مبعوث تفكركلر اوزرينه طوغرو
 توجه ايدلديكى كورر كورمن : بن جاهد بك دكلم ، سزه
 اثبات ايديم ! ديهه مأيوسانه فرياد ايدىيوردى ؛ اوته ده
 باشقه برنفر : اودر ، اولديرك ! ديهه باغرييوردى ؛
 اوزمان ماوزرلر بوشانيور ، سونكولر قانلره بويانيوردى .
 انسان قاني دوكمك بو عاصى نفرلر ايچون بيوك
 بر موفقيت ايدى . بونلر وطنك محترم اولادلريني بو صورتله
 تلف ايتمكه موفق اولونجه ، در حال هوايه تفنك آتمه
 باشلايورلر ، اوزمان سيويللر ييغين ييغين قاجيشيورلر ،




حرکات اردوسی قوماندانلرندن حسین حسینی پاشا

حرکات اردوسینه منسوب طوبیخی بطل و سیک حاد و دن سروری





حریت اردوسی ارکان حرب رئیس فریق پرتو پاشا



ایستافتوسده مجلس . و مع تان اوکنده اعیان رئیس سعید پاشا

بر مدت صوکره بوجع جایتلری کورمک ایچون تکرار
طوپلانیورلردی .

آرتق اقشام اولمغه باشلامشدی . عسکر هیچ برقرار
اتخاذ ایدمه مش . اورته اق عظام برهیجان ایچنده قالمشدی .
ظلام لیل آیاصوفیه نك جسم قبه سنی برهیولای معظم
حالده کوستریور ، هوا غازلرینك التاعات بیتابانه سی
آلتنده قصاص طوره لرك پارلادینی کورولیورلدی . وطنی بو
عصیان الیم ایله پریشان اتمکه تشبث ایدن وحدتی ، باشنه
یشیل برصاریق صارمش ، خواجه قیافنده ، سونکو
پارلتیلری اره سننده طولاشیور ، الده یشیل بریاراق ،
صافدل ، عاصی عسکرلره شریعتدن بحث ایدیورلدی .
اوزمان ، وطنداشلرینك قانلرینی ایچهن بونفرلر برتسلیمیت
دیندارانه ایله قوشوشورلر ، وحدتینك الی اوپمک ایچون
بر بریله رقابت ایدیورلردی . وحدتی ، بروضه وقورانه
ایله عسکره امرلر ویریور ، بواصرلر درحال قطعاه تبلیغ
ایدیولیورلدی .

کیجه اولمغه باشلامش ، تفنك صدالری الان نهایت
بولمامشدی . قایینه یی دویرمکه ، ارباب اقتدار ی قتل اتمکه
موفق اولان نفرلر ، شمدی یکی قایینه یه انتظار ایدیورلر ،

ایاصوفیه میدانی طولدیران عاصیلر فوج فوج سرکچی به
 طوغرو ایلیلیورلردی. سوقاقلر کتدکجه قارایور، ظلام
 لیل هر طرفه استیلا ایدیوردی. آياصوفیه طرفندن، سرکچی
 اوکلرندن بوزو سسلری، سلاح پاتیردیلری ایشیدیلور،
 اردهده صرهده: چوق یشا! صداری کیجه نك سکونت
 نی نهاییسی ایچنده طنین انداز اولیوردی. آرتق عسکر
 آرزوسنه تماماً نائل اولمشدی. حربیه ناظری دیکشمش،
 کیجه ساعت اوچده بتون عسکر قیدشله رینه عودت ایله مشدی.
 فقط بو عودت پك ولوله انکیز ایدی. برطرفدن نفنك
 صدارلی متمادی، خشیت آور بر محاربه بی آکدیره جق وجه
 ایله ساعتلرجه امتداد ایدیور، دیگر طرفدن عبدالحمید
 ظالمك مارشی اوزاقدن اوزاغه عکس انداز اولیوردی.
 کیجه ساعت بشه طوغرو اجرا ایدیلن بر آتش، هر کسده
 عظیم برهیجان حصوله کتیرمشدی. لیلک ظلام بی نهاییسی ایچنده
 ملول و متأثر هیچ برطرفه قیلدانا میمان خلق، بو محاربه
 لیلیه بی هیچ برشیئه حمل ایده میور، فقط ایرتسی صباح
 بونك بهیانه برسروردن عبارت اولدیفنی اکلا نیجه خوف
 وهیجانندن نه یاباچغنی شاشیری یوردی.
 ۱ نیشان صباحی، ینه تفنك پاتیردیلریله اهلاق ایتمشدی.

برکون اولکی جنایاتك توالی ایتیم، چکنه مطمئن اولان
 خلق مترددانه، متجسسانه خطوه لرله ایلریله دیکی ائاده
 یانی باشنده بتون حیوانیتنی اظهار ایدن برنفرک هیچ برطرفه
 باقادن متمادی هوایه آتش ایتدیکنی کوری یوردی. بعضاً بو
 نفر قافله لری اره سنه قاریشان خواجهر، اوکنده کی نفرک
 قورشونلریله تلف اولیور، و بو جاهل عاصیلر اره سنده
 بانطالونی دوشمش، فسسنر، پزمرده قیافت چوجقلر،
 عاصی نفرلرک بیونلرینه آصدقلری تفنك دیچکلرندن
 طوتمشله، برشوق طفلانه ایله ایلریلیورلردی.
 شهرک هجرا کوشه لرنده، مکتبلی ضابطان علیه اجرا
 جنایتلر بربرینی ولی ایدی یوردی. جاهل برنفر، سوقاقدن
 تصادف ایتدیکی مکتبلی بریکباشی بی قورشونله تلف ایدی یور،
 برقاچ نفر کنج برضابطی زوج، سنك کوزی اوکنده
 پارچه لایوردی. بتون بواختلال، مدنیته، ترقیات فکریه یه،
 فکر حریت قارشى اجرا ایدی یوردی.
 بحریه افرادینك جنایتلری عقله حیرت ویره جک
 بر درجه بی بولمشدی. بش اولن نفر بهتانلر، افترا لرله
 وطن پرور بر بیکباشی بی یقلا مشله، ییلدیزه، عبدالحمید
 ظالمک اوکنه کتیر مشلردی. عبدالحمید، مظلم، استبداد آود

سیاسی ایله نچرہ یه چیقمش ، نفرلری استجواب ایتمش ،
 صوکره بر اشارت ایتمشدی . بوقافله حشرات ایچنده بی
 تاب ، صارامش بر حالده طوران بیکباشی ، آرتق اوندن
 صوکره مدهش بر تمرضه دوچار اولمش ؛ برنفر ، سونکوسنی
 قارننه صاپلامش ، دیکری بیننی پارچه لامش ، دیکر بری ده
 بویننه بر ایپ طاقه رق سورو کلیه سورو کلیه کتورمش ،
 نهایت یچاره شهیدی آغاجلره صلب ایله شدی . عبدالحمید
 بوفجیع جنایتلردن قطعاً متأثر اولمامش ، آلتونلر ،
 مجوهرلره طولیدر دینی سراینه کال سکونته عودت ایله مشدی .
 بیلدیزده بوجنایتلر ایقاع اولوندینی انشاده ، استانبولده
 (شورای امت) ، (طنین) اداره خانهلری یغما ایدیلیوردی .
 دیوان یولندن کچن خواجهلرک ، عسکرلرک ، اسافل ناسک
 النده ، پارچه لافمش ، بوروشمش طنین غزتلهری کوزولور ،
 عاصی بر عسکر بیوک بر مطبعه ماکنه سی بوکلنمش ، مستریحانه
 ایلیریلیوردی . آرتق هیچ بر نظامدن ، هیچ بر قانوندن
 قورقو قالمامشدی . نفرلر ، غزتلهر علاوله نشرایتدیریور ،
 تصادف ایتدیکی ضابطه شدتی بر طوقات ایندیره رک جیبندن
 روولورینی غضب ایدیوردی . اوتده برنفر ضابطانه
 باطلالوتی چوزدیریور ، اهلینک بو یون باغلرینی قوپاریور ،

قهوه خانه دن رسملری چیقاریور ، غراموفوندن حریت
 پلاقلرینی قیریوردی . بریده شریعت ایستین دیکر برنفر
 میخانه لرده ، عموخانلرده سلاحنی بر اقیور ، وحشیانه
 جنایتلر ایقاع ایدیوردی . سوقاقلرده مکتبلی ضابطانامنه
 هیچ بر فرده تصادف ایدیلیوردی . بو اختلال عسکرینک
 قهرمانلرینی تشکیل ایدن بعض آلالی ضابطلر ییلشیق بر
 سیما ، تعلیم و تربیه دن محروم ، قنبور بروضیقله سوقاقلرده
 طولاشیورلر ، قیشله لری میخانه حالنه کتیریورلردی .
 آرتق انضباط محو اولمش ، حریت آلدن کیشمش ، ملت
 رحم و شفقتدن محروم ، آداب دینیه غیر واقف ، پاره
 ایله شریعت ایستین نفرلر الینه قالمشدی . غزتلهر بتون
 نفر ورقه لریله مالی جیقیریوردی . بریدن برنفر تستر حقه ده
 اخطار نامه لر نشر ایدیور ، اوتهدن بر چاوش یچاره بر
 قادینک صاحب لری کسه رک وحشتلر اجرا ایلیوردی . بو
 نفرلر ملتک نظرینه آرتق برر جانوار کبی کوروغمه
 باشلامشدی . انسان بوناطق حیوانلری اللرنده کی سونکولره
 پارچه لامق ، شهید دوشن ضابطلرک انتقامنی انلردن آلق ؛
 بو عاصی عسکرلری محو ایتک ایستیور ، اوزمان بتون

قوایی بیتاب و پریشان بر اقان عجز کلی بتون امللری زیر
وزیر ایدیوردی .

عبدالحمید بو حالردن صوکه درجه ممنون اولیوردی . آرتق
اراده لر ییلدیز مع استبدادندن صدور ایتمکه باشلامش ؛ عفو عمومی
اعلان ایدلمش ، باب عالی یه مابینجیلر کوندرلمشدی . عبدالحمید ، بو
عاصی عسکرلرک آوازۀ سروری ایچنده ایلک استبداد
سلامغنی اجرا ایتمش ، فقط عسکرک عودتی اهالی بیتنده
یکیدن هیجانلر تولید ایللمشدی . استبداد بتون مظالمیلله
توالی ایدیور ، ملت و حریت عاصی نفرلرک ید خاٹنامه
سندۀ بولونیوردی .

*


*

استانبول اختلالی طشره لرده غایت عمیق بر تأثر
حصوله کتبرمشدی . استحصال حریت ایچون سنه لرحه
قان دوکن ایکنجی و اوچنجی اردولر بوخبر فلاکتی آلیر
آلماز اورا لرده عظیم بر طغیان اشتکا حصوله کلمش ، مهد حریت
اولان بو افقلرک رنگ دلاویز آتشیفی اوزرنده سونکولر
پارلامغه ، قلیجلر شاقیر دامغه ، قلبلر هیجان و طنپورانه ایلله
اوزون اوزون جاریمغه باشلامشدی . وطنک فداکار
اولادلری ینه آیاقلامش ، ینه اردو سطوت حریت پرورانه


سنی کوسترمکه قیام ایتمش ، ینه ملت سوابق ظلم و استبدادک
قاره ، مخوف بلوطلرینی ، مظلم ، حیاسوز زندانلرینی ،
یتیم قالان معصوملرک مظلومانه کوز یاشلرینی ، شهیدار لان
ضابطلرک قاتلی کفنلرینی ، پامال دشمن اولان وطنک فریاد
استمداد کارانه سنی طویمشدی . وطن ، حقیقه تهلمکه ده ایدی :
بوسنه هر سکا آوستریایه الحاقی حقنده کی پروتوقول یکی
تصدیق ایدلمش ، فقط بلغارستان استقلالنک تصدیق
حقنده کی پروتوقول هنوز امضا ایدلمه مشدی . بلغارستان
بو اختلالدن استفاده ایتمک عزمنه دوشیور ، بلغار غزتهلری
ممالک عثمانیه ده تأمین آسایشه بلغارستانک مقتدر اولاجغنی
ایلری سوره جک درجه ده جرأت کوسترییوردی . فقط
عثمانیلر بوکا میدان ویرمه مک ایچون الدن کن غیرتی
صرف ایدیورلر ، روم ایلیده متادیا کوالی قید ایدیور
لردی . ساحۀ وطن عظیم بر غلیان حمیت ایچنده قالمشدی .
پارسدۀ اکمال تحصیل ایدن کنجلر ، دارالفنونلری براقه
رق اوخری طابورلرینه التحاق ایدیور ، عبدالحمیدک
استبدادینه نهایت ویرمک ایچون عظیم بر حرص و طنپورانه

ایچنده بولونیوردی . هرکس بشیکده کی یاوروسی، خسته
والده سنی براقه رقی سلاحه صاریایور . بو شرفه نائل اولار .
میان کنج مکتبیلر ، کوللی قافله سنی کستورن تره نك
اوکنه یاتیوردی . مناسترده ، سلانیکده ، آرنارودلقده ،
وطنك همان هرکوشه سنده ، عبدالحمدك استبدادینی محو
ایتمك ، وطنی بوصوك فلاکتدن قورتارمق ، عثمانیلرک
بیوک برتربیه سیاسییه ، عظیم برحس وطنپرورانیه یی حائر
بولوندقلرینی جهان مدنیه کوسترمك ایچون شایان تقدیر
برمسابقه حمیت ابراز ایدیلیوردی . روم ایلیده . بومسابقه
وطنپرورانیه فعلاً ممکن اولامادیخی تقدیرده قلباً اشتراک
ایتمك هیچ بر فرد قالمامشدی . بتون عثمانیلر ، تموز
انقلابنك فاعل ذی قدرتی اولان ازدویه التحاق ایدیور ،
بو اردوی سوق واداره ایدن کنج ، مقتدر ، آتشپاره
حمیت ضابطان اره سنده وطنك بویوک کونشدن حصه مند
اولمق بختیاراغنی آرزو ایدیوردی . بر طرفدن طابورلر
سفر برحاله قونولور ، استانبوله دخول ایچون پلانلر
ترتیب ایدیلیوردی . دیگر طرفدن کنج ، اختیار بتون

حریت اردوسی افرادی



حریت اردوسی افرادی تشر حالده



اولاد وطن ، حریت اغورنده فدای جان ایچون بتون
صمیمیت قلبیه سیله سلاحه صار یلیوردی . عبدالحمید کبنا
استبدادینی ییقمغه ، ملتی بوفلاکت مشخصه دن قورتارمغه
قطعاً عزیم ایدلشدی . ملت ، بو آرزوایله حرکت ایدیور ،
اردو استانبول عاصیلرینک شرف عسکری اوزرینه اینار
ایله دکبری لکبی تمیزله مک ، عثمانلی نامنی پرزیب وشرف
کوسترمک ایچون حرکت ایلوردی .

استانبوله شدتلی پروتستولر یاغدیریلیور ، توفیق باشا ریاستنده تشکل ایدن یکی قایینه نك مشروطیته مغایر اولدینی سویله نیوردی . ملتک بوصورتله شکایتلر یاغدیر . مقدمه ، فریادلر ایتمکده حق واردی : احمد رضا بک بتون صمیمیت وطنپرورانه سیله ملتیه ایفای خدمت ایتدیکی بر صرهده سونکولر قارشیسینده استعفا ایتیش ، قایینه نك استعفا سی تهدیدایله ، جبراً وقوعه گلشدی . ملت ، بوجبری معامله لره قارشى بتون قوتیله باغیریور ، جاسوسلغک هواى فساد آلودی آلتنده ملوث بریزانس اخلاقى ارائه ایدن ایدن بوپای تختی پای تحقیری آلتنده ازملک ، ببولوله استبداد ایچنده حس شفققتدن محروم قلبی ، قانلر ، جنایتلرله آلوده حیاتی ، مخوف ، بویالی سیاسی ایله یکرمنجی عصرده دور وحشت و استبدادک هر درلو مظلمانی کندیسینه خاص بر طرز غدارانده اجرا ایدن عصر حاضر نهرونی ملتک سرفلاکتندن قالدیرمق ایستوردی .

سلانیکده کی فعالیت جداً خارق العاده ایدی : استانبول اختلالی خبر آلتیر آلتمز بتوک اولاد وطن سلاحلانش ، پنچشنبه کونی اقشامی حرکت ایدن عسکرلر بیکیباشی مختار بک قومانده سینده استانبول اوزرینه

۳ . استانبول اوکنده حریت اردوسی

حریت اردوسنک حرکاتی - آياستفانوسده حریت اردوسی - نشئه لی کونلر - آياستفانوسده مجلس ملی - مجلس ملی مقرراتی - حریت اردوسنک استانبول اوزرینه حرکتی - ۱۰ نیسان - عبدالحمیدک صوک سلاملی - استانبولده هیجان - حریت اردوسنک استانبوله دخولی .

حریت اردوسنک استانبوله سوقی ایچون مناسترده ، سلانیکده ، بتون اوچنجی وایکنجی اردو منطقه لرنده عظیم بر فعالیت حصوله کلمکه باشلامشدی . عبدالحمیدک عثمانی ملتته قارشى اوردینی بوصوک ضربه سلانیکده عکس تأثیر حاصل ایدر ایتمز ، قلوبلرده طوبیلا نلמש ، هیجانلی کوز یاشلری ایچنده نطقلر ایراد ایدلמש ، عبدالحمیدک بلای سلطنتندن ملتی ابدیاً خلاص ایچون لازم کلن تدبیرلر اتخاذ اولونمشدی . مناسترده ، سلانیکده ، ادرنه ده خارق العاده بر فعالیت عسکریه حکم فرما اولیوردی . هر طرفدن

یورو مشلردی. بو عسکرک تشییعی غایت بارلاق اولمشدی: خلق
استاسیونه طویلانمش، بوفداکار عسکرلری آغلایه آغلایه
تشییع ایدیوردی. ترن هراستاسیونده توقف ایتدجه،
چولاق، چوجق، ارکک قادین لارنده سیغاره لر، یشلر
بو قهرمان عسکرلری تشییع ایدیورلردی.

مختار بك معیتنده کی پیشدار جمعه ایرتسی کونی خادم
کوبینه کلش، نیشانک آلتنجی کونی (یارم بورغازه) قدر
مواقعی اشغال ایله مشدی. آرتق عسکر ترن ترن، قافله
قافله کلیور، استانبول خلغنک سیاستده بر نشانه امل
حاصل اولیوردی. (خادم کونی) جسیم بر اردوگاه حائنه
کلشدی. نیشانک یدنجی کونی فرقه قوماندانی حسین حسنی
پاشا (خادم کونی) نه کلش، نیشانک سکرنجی کونی قطعاتک
(یارم بورغازه) حرکت ایتلرینی امر ایله مشدی.

اوکون حرکت اردوسی قوماندانی حسین حسنی پاشا،
ارکان حربیه عمومیه ریاستنه بر تلغرافنامه کشیده ایدیور،
استانبول اهالیسنه خطاباً بر بیاننامه نشر ایدیوردی.
وطنک برات خلاصی حکمنده اولان بو وثیقه لر آئیده کی بیاناتی
احتوا ایدیوردی:

حرکت اردوسی قوماندانی طرفندن

ارکان حربیه عمومیه ریاستنه تلغرافنامه

اوتوز اوچ سنه لك مید و مشئوم بردور استبداددن
صکره بتون ملت عثمانیه نك غلیان حمیتله استحصال
واسترداد اولنان مشروطیت مشروعه مزى ینه دست جلا
اقتداده تودیع ایلمك مقصد ملعونانه سیله بیک درلو
حیله و فسادلر ارتکاب ایتش ونهایت ظاهراً کویا شریعت
ایسته نیورمش کی حقیقتده شرع مین احمدی به کلیاً مخالف
اوله رق قانلی براختلال عسکری ایقاعنه سبب اولمش
بولنان ملعون و وجدانسز طرفداران استبداد ایله بر طاقم
آلچق و منفور منفعت پرستلرک تلقینات ابلیسانه لرینه
قابلمش و پایتختک و آماجگاه امت اولان مجلس عالی به عونانک
آل قانلره بویانمسنه و ملتک ناصیه پاکنه مشکل الازاله بر
شائبه سیاه مذلت ایراث ایدلمسنه سبب اولمش بولنان خاصه
اردوسی افرادیله بحریه و طوپخانه افرادینک حرکات
واقعه سی آلتیوز سنه لك لیکه سز بر ناموس انقیاد و اطاعت
طاشیمقده اولان مقدس عثمانی اردوسی پک بیسوک بر

حجابہ دوچار ایتمش و بولکہ نک خارق العادہ بر سر غتلہ
 تاطہیری امل خیریلہ آباستفانوس و کوچک چکمہ جہ کلش
 اولان ایکنجی و اوچنجی اردولردن مفرز قوہ منتظمہ
 عثمانیہ مستعیناً بتوفیقانہ تعالی مقتضای شرع مبین احمدیدن
 اولان قانون منیف اساسینک بعدما ہر درلو تجاوز و خللہ
 وقاہسی و پایتخت سلطنت سنیہ آسایش و امنیتک اعادہ
 و تحکیمی امرندہ تداییر مؤثرہ اتخاذی و مارتک اوتوز
 برنجی کونخی ملت عثمانیہ نک اک مشنوم یوم نخوسی حالہ
 کتورمکہ سبب اولان خفیہ لرلہ دنی الطبع منفعت پرستلرک
 جزای سزارینک تعیننی مقصدیلہ تشبث ایلیہ جکی ہر کونا
 اجرا آتدہ محافظہ سربستی ایدہ بیلیمک و بو سایہ دہ عثمانی
 اردوسنک ناموسنی اکال ایلیہ بیلیمک ایچون استانبولہ
 بولنان بری و بحری سلاح ارقداشلرندن آتیدہ کی خصوصاتی
 طلب ایدر :

اولا مارتک اوتوز برنجی کونندن اول استانبولہ کی
 بری و بحری قطعات و سفائتہ مأمور اولان بالجلہ ارکان
 امرا و ضابطانک بتکرار قطعہ لرینہ اعادہ اولنلرینہ قطعاً
 ممانعت ایتمہ رک بولنرک کافہ اوامرینہ کوری کورینہ
 اطاعت و انقیاد کوسترہ جکلرینہ و سیاسی ایشلرہ بعدما

ہیچ بر صورتلہ مداخلہ ایتمہ رک یالکیز وظائف مقدسہ
 عسکریہ لریلہ مشغول اولہ جقلرینہ دائر شیخ الاسلام
 و فتوی امینی و درس و کیلی افندیلر حضراتیلہ کندی
 قوماندانلری حضورندہ و قرآن مبین و منیف اوزرینہ
 اللرینی باصمش اولدقلری حالہ بر کون ایچندہ عموماً
 استانبولہ بولنان افراد و کوچک ضابطان یمین ایدہ جکلردرہ
 ثانیاً کندیلرینی شریعت ایستہ ییکز دیہ اغفال
 ایدرک وطنی تہلکہ یہ دوشورمش اولان آلچقلرک تأدیی
 ایچون اردومزجہ اتخاذ اولنہ جق تداییر تشکیلہ و انضباطیہ یہ
 قطعاً مداخلہ ایتمہ رک واردومز افرادینہ حتی یان کوزلہ
 بیلہ باقیہ رقی انلری کندی اوز قردشلری کبی بیلہ جکلر
 و کندولرینی اغفال ایتمش اولان خفیہ لرلہ ادائی بی یتہ
 کندو ضابطلرینہ اخبار ایلیہ جکلرڈر . بو ایکی طلبمز
 استانبولہ بولنان بری و بحری بالعموم سلاح ارقداشلریمز
 طرفندن حسن صورتلہ قبول اولنہ رقی اطاعت کاملہ و جدیہ
 ابراز ایلدکلری تقدیردہ اثنای اجرا آتمزدہ کندیلرینہ
 قطعاً ایلیشیمہ جکی خصوصاً صلیرینک افراد مرقومہ یہ
 اکلا یہ جقلری لسان ایلہ اخطار اولنمشی و درجہ مطاوعت لرینک

سریعاً طرف عاجزی به اشعاری رجا اولنور .

٦ نيسان سنه ١٣٢٥

حرکت اردوسی قوماندانی

حسین حسنی

حرکت اردوسی قوماندانی طرفندن

استانبول اهالیسنه بیاننامه

١. ملت سنه لردنبری اجرای مظالم ایدن قوهٔ استبدادی پارچه لیه رق حکومت مشروعهٔ مشروطیه ای تأسیس ایتدی. بوقانسز انقلاب مسعوددن متضرر اولان ادانی، غیر مشروع بر صورتده تأمین منفعتلرینه خادم اولان حال سابقک اعاده سی ایچون بیک درلو حیل و دبسیس و دانسته مراجعت ایدرک حکومت مشروعهٔ مشروطه مزری رخنه دار ایتک ایسته دی و بتون عالم انسانیتک تعیین ایلدیکی استانبول فاجعه سنک حدوثة سببیت ویره رک معصوم قائلر دوکدی .

٢. ملت حیات و اقبالنک کافل یگانه سی اولان مشروطیتک رخنه دار ایدنک واحکام شرعیه و سعادت

و سلامت عمومیّه ملیه مزری ضامن اولان قانون اساسیمزک آیاقلر آلتسه آلتیق ایسته نلیدیکی کوردی و بو حرکات دنائتکارانه نك مسبب اصلیلرینی تأدیب ایتمک لزومی تقدیر ایدرک هیئت عمومیّه سیله استانبول اوزرینه یورو مکه قرار ویردی. ابلک قوهٔ اجرائیه اولق اوزره ایشته بزى، استانبول سورلری قارشوسنده کوردیککنز بو حرکت اردوسی بورایه کوندردی .

٣. حرکت اردوسنک مقصد و وظیفه سی حکومت مشروعهٔ مشروطه مزری هیچ بر قوتک صارصه میه جنی صورتده ترصین ایتمک و صرف قوت شریعت غرا ایله مؤبد بولنان قانون اساسینک فوقنده هیچ بر قانون، هیچ بر قوت اولمادیغنی و اوله میه جنی اثبات ایلنک و مشروطیت مشروعه مزک استقرارندن نمون اولمیان وطن و ملت خائلرینه صوک و قطعی بر درس انتباه و بر مکدر .

٤. مظلوم اهالی و بیطرف افراد تمامیه حامیه ایدیله جکدره . انحق محرکله، مفسدله و مشارکله همه حال لایق اولدقلری تأدیبات قانونیه دن قورتیه میه جقلردر .

٥. هیئت فاضلهٔ علمیه سرناج احترام و ایتهاجزدر . فقط ملعت و تأمین منفعت عادیه و تشخیص مقصد یله یالاندن

گسوة علمیه به بورونه رك دين شريف محمدی نی تزیف
واستخفافدن چکنمیه رك تشمیل مفسدته قالدیشان برطاقم
خفیه لر، منفعت پرستلر البته مقتضای شرع وقانونه کوره
معامله کورمکدن خلاص ایدیلهمیه جکدر .

۶. ملت مبعوثلرینک وبو محترم مبعوثلرک شایان اعتماد
کوروب انتخاب ایتدکری هیئت وکلانک حیاتلری وقانون
اساسینک کندولرینه بخش ایلدیکی حقوق و نفوذ
وصلاحتلری تمامیه وکالیله تامین وسکون وسرور عمومی
قطعياً استحصال ایدیله جکدر .

۷. سلامت وطن وسعادت ملیه مزك استلزام ایلدیکی
بو اجرا آت عسکریه من ائناسنده مملکتک انضباط داخلی
وسکونت تامه سنی وجهلنک محافظه حیات ومالنی تامین
ایچون هر درلو تداییرك اتخاذینه توسل ایدلشد .

۸. محترم سفرا وباجمله مسافرین اجنیه نك بی حضور
اولملرینه میدان ویرلیه جکدر .

۹. استانبول وقعه فجیه سنده قانلری دوکیلان
شهدانک ارواح معظمه سی قارشوسنده حساب ویرمهک،
دوچار خوف وخشیت اولمقه محکوم اولنلر انحق بو
فاجعه خون آلودك فاعللری، محرك و مشارکلیدر . بو

حقیقی هر کس بیلملی وتلاش وهیچانه قاپلما یوب
مستریخ اولملیدر .

۶ نisan سنه ۱۳۲۵

حرکت اردوسی قوماندانی

حسین حسینی

حرکت اردوسنک پیشداری چتالجه به کلیدی
کوندن اعتباراً خلق فوج فوج بومقدس اردویی استقباله
کیدییور، نisanک التنجی کونی آیاستفانوسه کیدن تره نلر
محترم اردو افرادینی تحیله کیدن استانبول خلق ایلهمالامال
بولونیوردی. استاسیون، سلا نیک ژاندرمه بلوکیله اشغال
ایدلشدی . بوبلوك افرادی میاننده نفر البسه سی کیمش
کنج، مقتدر پیاده ارکان حربیه ضابطلری بولونیوردی،
بوضابطلر، وطنلرینی استبداددن قورتارمق ایچون درحال
سلاحه صارملشلر، یوز باشی، قول آغاسی وبیکباشی رتبه
سنده اولدقلری حالده بر ملازمک طاقته التحاق ایدیه رك
خارق العاده برفراغت نفس، عظیم برحب وطنپرورانه ایله
وطنک امدادینه قوشمشلردی . بونلر تره نندن چیقانلری
ترصد ایدیورلر، استانبولدن اردونك احوالنه کسب

وقوف ایتمك ، حریت اردوسی افرادینی اغفال ایله مك
ایچون كلن جاسوسلری توقیف ایدیورلردی . بوجاسوسلر
اره سنده حییتسز ضابطلر ، وجدانسز خواهلرده ظهور
ایدیورلردی .

ایستفانوس برمقر حریت اولمشدی . نیسانك یدنجی
كونی مبعوثان ایستفانوسده انعقاد باشلامش ، كویك
غلبه لكی فوق العاده تزايد ایله مشدی . تره نلر بیکلرجه
خلق ایله مالامال ، ایستفانوسه قدر کلیور ، قهوه لر ،
غازینولر ضابطلر ، مبعوثلرله مالی بولونیوردی . استانبولدن
كلن مکتبلی ضابطلر ، مکتب شاگردانی ، عمیق بر صفوت
وطنپورانلر ایله كوكلی یازیلورلر ، حرکت اردوسنه التحاق
ایتمك ایچون عظیم بر تهلك ابراز ایدیورلردی .

حرکت اردوسنك قوتی كوندن كونه تزايد ایدیورلردی .
نیسان كونشك پارلاق ضیالری آلتنده بتون رونق ایله امتداد
ایدن یشیل ، بی نهیاه قیرلره نصب انظار ایدلدیكى زمان ،
اوزاقدن حرکت اردوسی ایلری قره غوللرینك سیاه
كولكلری كورونیور ، كونه قارشى پارلایان تفكركرقلبدنه
برفرح وانبساط حصوله كتیریوردی . بعضاً قرارگاهدن
كلن براركان حربیه ضابطی ، كونشدن یانمش سیاسی ،

اوزامش صقالی ، توزلی البسه سیله باركیرندن اینیور ، اوتنده
بر آغاجك آلتنده سیروزفرقه سنه ، نسوب برسواری نفرینك
آتلی کردیدردیكى كورولیوردی . بو منظره جداً شایان
تماشا ایدی : اردولرده سنه لرجه بر برینی كورمه ن سلاح
ارقداشلری شمدی بوراده یكدیكیرینی اكصیمی حسارله
درآغوش ایدیورلر ، بو جنبش حماسست ایچنده
چارپان كنچ ، حب وطنله مالی قیلبرنده عظیم برعزم ظفر
حس ایلورلردی . بونشوه وطنپورانلر ایچنده بعضاً دنی
بر جاسوسك كال رذالتله كتورلدیكى كورولیور ، وطنك
بونانكور اولادلری آرتق حیت ، صمیمیت ، اخوت او كنده
اولانجه عجز و مغلوبیتی حس ایدیورلردی .

حرکت اردوسی برعزم قطعی ایله ترتیباتی انخذا ایلدیكى
صره ده استانبولده عظیم بر تردد حكم فرما اولیوردی .
بعضلری حرکت اردوسنك شهره كیره میه جكنی ایلری
سوریور . بعضلری اردونك وقت مناسبه انتظار ایلمسنى
ضعفنه حمل ایتمك وجدانسزلغنده بولونیور وبواطمشان
ایله كویا قلباً مثلى اولویوردی . اردونك شهره كیرمسنى
آرزو ایتیلر حسیات وطنپورانلر سنده شهسوى اولانلردی ؛
بونلر سوابق سیئاتندن برعذاب وجدانی حس ایدیورلر ،

اردونك عدالتدن هراسان اوليورلردى . فقط وطنى سون افراد ملت، اردويى بتون صميميت وجدانيه سيله استقبال ايتك ايتيور، اردو ايله برابر استبداددى ده محو ايتك آرزوسنده بولونيوردى . نيسانك سكرنجى كوني نشر ايديان بياننامه ، آرتق هر كسده بر قوت قلب حصوله كتيرمىدى . ضابطان ، رسمى البسه لرني لابس اولارقي سوقاقلرده طولاشيور ، خفيه لرك سياستنده اليم بر اندیشه وملال حصوله كليوردى .

نيسانك طقوزنجى كوني حركت اردوسنك ايلرى قردغول مفرزه لرى آيستفانوس — خلقه لى خطى اشغال ايله مىدى . اردوده عظيم براعتاد ظفر حكم فرما اوليوردى . بتون ضابطان ، شاين تقدير بر فعاليت حميت پرورانه ايله چالشيور ، بتون افراد شهره كيرمك، حيثيت عسكرى ينى پايمال ايدن عاصى عسكر لرى سونكو ضربه لريله تاديب ايله ملك ايجون بيوك بر حرص و آرزو اظهار ايدىوردى . بر طرفدن عصاته التحاق ايدن دونما افرادينه وطنك تهلكه ده بولوندينى اكلا تيليور ، ديكر طرفدن آيستفانوسده ، ايلرى قردغول خطى جوارنده جاسوسلار توقيف اولونيوردى .

آيستفانوسده مجلس عمومى ملت حالنده انعقاد ايدن مجلس اعيان ومبعوثان، مشروطيته اوريلان ضربه دن طولاي شدتله پروتستوايدىوردى . آرتق دونما كاملاً الده ايدلمش، زرهليلردن قسم اعظمى آيستفانوس اوكلرينه كلىدى . دونمانك حركت اردوسنه التحاق استانبول خلقنده عظيم بر عنيت حصوله كتيرمىدى؛ فقط بيلديز قطعاتك مدافعه املنده بولونملرى بو عنونيقى بر درجه به قدر ازاله ايدىيور، نفر سونكوسندن ، ماوزر قورشونلردن قورتولان خلق اندیشه لى، آيىسي مبهم بر حيات امرار ايايوردى . اوكون محمود شوكت پاشاده سلا نيكدن حركت اردوسنه التحاق ايتمش، اردونك استانبول اوزرينه يورومسى قطعياً تحقق ايله مىدى .

۱۰ نيسان، جمعه كوني عبدالحميدك صوك سلاملى اجرا ايديله جكدى . عاصى عسكر لرقافله قافله سلامنه كيدىيور . سيمى ملتده ظاهرى برملال حكم فرما اوليوردى . ملت، هر لحظه ، هر دقيقه حركت اردوسنك دخوله انتظار ايدىيوردى . اردو بر انتظام فوق العاده ايله ايلريله مش ، شهر ك اطرافنده، مقرى كوى — داود پاشا — كاغذخانه — بلومجى چفتلى خطى اشغال ايله مىدى . حركت اردوسى

شهره درت قولدن داخل اولاجقدی: برنجی قول شمند و فرله
 کوپری و عزیزیه قره غولنی اشغال ایده جک، ایکنجی قول
 سورلردن داخل اولارق آقسرائ — باب عالی طرفنی
 اختیار ایله جک، اوچنجی قول کاغد خانه — شیشلی —
 بک اوغلی خطنی ضبط ایده جک، دردنجی قول ییلدیزی
 محاصره ایله جکدی. حرکت اردوسی بوضو رتله ترتیبات
 اتخاذ ایده رک حرکت ایتمش، داود پاشا قیشله سنه طوغری
 حرکت ایدن قول ایلك اول بوقیشله بی اشغال ایله میشدی.
 حرکت اردوسی افرادی داود پاشایه تقرب ایدر ایتمز.
 قیشله ده بولونان عاصیلر مقاومت ایتمک ایسته مشلر، فقط
 حرکت اردوسی افرادی بک منتظم، مؤثر آتشلری قارشیدنده
 مقاومت ایده، یه جکلرینی اکلا نیجه در حال تسلیم اولمشلردی.
 سلامقدن کلن عسکر قیشله لرینی کاملاً اشغال ایدلش
 بولمشلردی. بونلر در حال حربیه نظارتنه دوئمشلر،
 بورادن آلبیلدکلری پیاده افرادیله ادرنه قیوسنه طوغری
 قوشه رق فاتح وجوارینی عظیم رهیجان ایچنده براقشلردی.
 حرکت اردوسنه قارشى یورون افراد عاصیه منهزماً
 رجعت ایله دکلی ائاده استانبولده خوف عمومی حصوله
 کلمشدی. ادرنه قیوسنده وقوعه کلن ایلك مصادمه دن



حربیه ناظر جدیدی صالح پاشا

بی خبر اولان خلق بیوک بر اندیشه ایچنده سوقاقلرده
قوشیور، دکانلر سامعه خراش بر کورولتی ایله قانیوردی.
سوقاقلرده هیجان آور بر ایصسزلق پیدا اولمشیدی .
ساعت اونبر، هرکس اولرینه قاچش، آراهلر چکلمش،
نیم بر ظلمت اطرافه استیلا ایله مشیدی . سوقاقلرک بو
تنهائی فجیعی ایچنده بعضاً مجهول بر شخصک هیجانلر
ایچنده قوشدینی کورولیور، عاصی نفرلرک ایکیشر اوچر
سوقاق باشلرینه طوباندقلری منظور اولیوردی. اعلان
حریتی متعاقب ولوله شادمانی ایچنده چینلایان بسوقاقلره
شمیدی بر سکون ماتمین استیلا ایله مشیدی . بومظلم، قانلی
سوقاقلرده آرتق عاصیلردن ، جانلردن بشقه کیمسه
کچمکه جسارت ایده میوردی .

سورکلی ، کسکین صداسی ، یایلم آتشرک دورادور ،
هیجان انکیز کورولتیلری قلبده خشتیدن زیاده عظیم بر
امل خلاص حصوله کتیریوردی . اوزاقدن اوزاغه
ایشیدیلان طوپ ، تفنک ، مترالیوز صدالری قولاقلرده
بر ترانه حریت حاصل ایدیور ، بالقونلره ییغیلان ،
نجره لره طوپلاران بتون خلقی قلیلرنده بر هیجان عظیم
اولدینی حالده متعادیا بو طرفه عطف صماخ دقت
ایدیوردی . اردصره طوپ و تفنک صدالری موقت بر
انقطاعه اوغرایور ، صوکره سورکلی یرایلم آتشی متعاقب
سریع آتشی طوپلرک آوازده مهپی آفاق ولولهلر ایچنده
براقیوردی . کوپریده سرعتله کچن بر ضابطک قلیچی
پارلایور ، کچه کلاهی ، غیور نفرلرک آهسته آهسته
ایلریله دکلری کورولیوردی . بونفرلر ، سرکهجی قولندن
ایلریله ین عسکرلردی .

سرکهجی قولنی تشکیل ایدن قوت ، درامه طابوری
ایله سیروز مترالیوز بلوکنندن و بر چوق کولکلیلردن
مرکبدی . بو قوله منسوب کولکلیلر ۱۰ نیشان اقشامنه
طوغری مسعودیه زرهلیندن ۵۷ قدر ماوزر آتشر ،
عزیزیه قره غولی ایله طوپخانهک تسلیمنه مأموراویشلردی .

۴. استانبولده حرکت اردوسی

۱۱ نیشان صباحی - حرکت اردوسنک دخولی - پانغاقی محاربه سی -
باب عالی محاربه سی - تقسیم و طاش قیشله محاربه لری - طرفینک
تلفاتی - افراد عاصیه نک تسلیمی - ۱۲ نیشان ، سلیمه نک تسلیمی -
اداره عرفیه - ۱۳ نیشان ، استانبولده مجلس ملی - ییلدیز محاصره -
ی - ییلدیزک تسلیمی - عبدالحمیدک خلع قراری - ۱۴ نیشان ،
عبدالحمیدک خلعی .

جمعه ایرتسی کونی صباحی ساعت اون بره طوغری
مدهش بر طوپچی آتشی استانبولک نیم خمور اقلرنده
مدید طینلر حصوله کتیریوردی . نیشانک لطیف
کونشی آئنده مست و را کد اویویان دکردن هیچ بر
صندال کچمیور ، کوپریدن هیچ بر فردک کچدیکی کورو -
میوردی . دکرک صاف و مائی سطحی اوزرنده ، تک توك
صندالرک غلطه دن استانبولده کچدیکی کورولیور ، بو
سکونت سحری ایچنده بک اوغلی و تقسیم جهتنده
آیلان طوپلرک ولوله سامعه خراشی ، مترالیوزلرک

۱۰۰۰ کشتی متجاوز اولان بوقوت واپورله سوق ایدیله جک، طوغریدن طوغری به ریختیمه چیقاریلا جقدی. فقط او صرده هیچ بر واپور بولنه مامسی اوزرینه بو فکردن صرف نظر ایدلمش، عسکرک استاسیونده طوران بوش ترنرله سوقنه قرار ویرلمشدی.

قولک آغرائی مقری کوینده بر اقلمشدی. بلوکلرک هر نصف طاقنه بر ضابط تعیین ایدلمش، هر ضابط کندی نصفیه برابر ترنه بینمشدی. تره نک فنارلری کاملاً سوندیرلمشیدی.

کیجه نک ظلام بنهایی سی ایچنده حرکت ایدن بوترن یاریم ساعتده سرکه جی به کلمش، ساعت سکزده بتون نصفلر ضابطلریله برابر سرکه جی استاسیوننه فیلا مشلردی. بواننده مترالیوزلری محافظه اتمک ایچون بر طاقم بر اقلمش، برنجی بلوک پوسته خانه اوکندن کوپری به طوغری قوشمشمشدی. دیگر بلوکلر صباح سکوتی ایچنده سسز، صداسز ایلر یلیور، مترالیوزلر کوپرینک محافظه سنه تخصیص اولنیوردی. آرتق کوپری قیاندیرلمش، طابورک قسم متباقیسی نصفله طاقم قولنده، نصفلر تک صره اولق اوزره یوزلری کوپری به متوجه، میدانلده طور یلیور، نصف

طاقلر قرقر ادیم مسافه ایله بر برینی تعقیب ایدیوردی. عزیزیه قره غولنده کی نوبتخیلر اوزاقدن کور و نور کور و نیمز عسکر مارش مارشله حرکت ایتمش، نوبتخیلرک الیورندن سلاحلری الیر آلمانز قغوشلره داخل اولمشدی. افراد، درین بر اویقوبه طالمشدی. حرکت اردوسی افرادی بوفرصتدن بالاستفاده سلاحلری طویلا مش، افرادی برر برر توقیف ایده رک بر اوطیه حبس ایتمشدی.


عزیزیه قره غولی بوصورتله ضبط اولوندقد نصکره قره غوللرک ضبطنه ایکی قول مأمور ایدلمشدی. بر قول ریختیم اوزرنده بتون قره غوللری ضبط ایدیور، تسلیم اولق ایسته مینلری دیچیک ضربه سیله زده لیوردی. آرتق صباح اولمغه باشلامشدی. افق شرقیدن خفیف بر غازه نوار ایچنده یوکسه لن بر طروات بر نیسان کونشی، مرمره نک را کدصولرینه، لیمانک براق سطحلرینه دیده نواز رونقلر سر پیور، خفیف برابر لاجوردی ایچنده منظور اولان اسکدار ساحلاری ظلال آلود سایه لر یله دکرک سطح صافی اوزرینه عکس ایدیوردی. حرکت اردوسی کوکلرلی بر بسکونت سحری ایچنده طوبخانه یه طوغری ایلر یلیور، نوبتخیلر برر برر توقیف اولونیوردی. قولک قسم اعظمی

ایله بر مترالیز طوخنه طوغری ایلرله مش ، تقسیم
جهته کلن قولك تفك صدارلی ایشیدلمکه باشلامشدی .
شمدی ایکی طرفندن ده آتش ایدیلیوردی . باروت خانهك
اوست او طهرینی اشغال ایدن حرکت اردوسی افرادی
ریختم جهته کی استحکام افرادی آتشی طوتیور ، عاصی
نفرلر بومؤثر آتشلر قارشیسینه بربر فرار ایدیوردی .
استانبول طرفندن کلن ایکی طوب ، عاصی نفرلر قارشی
اخذ موضع ایله دیکی زمان بولکلر کاملاً تسلیم اولمش ،
سرکهجی قولی وظیفه سنی تمامیه ایفا ایله مشدی .

بوانشاده باب عالی و تقسیم جهتلری مدهش برطوب
صداسی ، مترالیز کورولتسی ایچنده ایکلیور ، بولوله
انکیز ، مهیج صدارقلیده برحس نجات حصوله کتیریوردی .
باب عالی یه طوغری ایلرله ین قول آقسرائدن کلش ، فقط
باب عالی ایله عسکر قلوبنه تحصن ایدن افراد عاصیهك
اتشلیته دوچار اولور اولماز مدافعه یه قیام ایله مشدی .
صباحلین ایرکندن باشلایان باب عالی محاربه سی برقاچ ساعت
امتداد ایله مشدی . برطرفدن باب عالی یه قارشی تعیین
ایدیلن طوبلرک مؤثر شرابنلری آغاجلری پارچه لایه رق ،
دیوارلری صیره رق باب عالی پنجره لرینی تخریب ایدیور ،

دیگر طرفدن عسکری قلوبنه ایدیلن پیاده اتشلیرتون
جاملری شاقیر شاقیر ایندی ریور ، بومدهش محاربه اثناسنده
سوقاقلرک سکونتی قلبه عظیم برخوف و خشیت القا
ایلیوردی . تام بوانشاده ایدی که ، عسکری قلوب اوکنده
طوران برجیخانه آرابه سینه برمرمی اصابت ایتش ، مدهش
براشتعال اورته لنی صارصه رق قلوبك پنجره سنی ، دیوارینی
تارومار ایله مشدی . اورته لنی خفیف بردومان استیلا ایدیور ،
بودومانك خفیف بلوطلری آتنده حرکت اردوسی افرادندن
دوشن شهیدلر کورولیوردی . باب عالی محاربه سی برقاچ
ساعت دوام ایتش ، افراد عاصیه مقاومت ایده میه جکلرینی
اکلا نیجه درحال تسلیم اولمشلردی .

ادرنه قپوسندن استانبوله طوغری ایلرله ین قول ،
اك زیاده فاتح جامعندن مقاومت کورمشدی . شریعت
احمدیه نی آلت استبداد اتخاذا ایتك ایستین ، وطنه
خدمت ایله میکی ذل مسکنته ترجیح ایدن بعض خواجه لر
فاتح جامعنه تحصن ایتشلر ، بورادن حرکت اردوسی
افرادینه قارشی آتش ایتشلردی ؛ فقط غلیان حمیله
آتیلان ماوزر قورشونلرندن تخلیص حیات ایده میه جکلرینی
اکلا نیجه درحال تسلیم اولمشلردی . بو قول بر انتظام



بومباردمان دن صكره تقسيم قيشله يسي

فوق العاده ايله ايلر يله مش ، حربه نظارتى تسليمه مجبور
ايتمش ، يهوده يره قان دو كوله سنه مانع اولمشدى .

اك زياده مقاومتته معروض اولان قول ، شيشلى - بك
اوغلى خطافى تعقيب ايدن قولدى . بو قول شيشلى - بك
مكتب حربه يه طوغرى ايلر يله مش ، ايلك مقاومتته مكتب
حربه جوارنده كي مانر عسكر لرندن دوچار اولمشدى .
بو قولك ايلر يسنده سالنيك ژاندارمه لرى بولونيوردى .
ژاندارمه لر تعرضه دوچار اولور اولماز درحال آتسه
باشلامش لردى ؛ بو آتش غايت مؤثر بر صورتده اون
دقيقه دوام ايتمش ، افراد عاصيه مانرك ارقه سندن ، ارمنى
مزارلنى ياننده كي يولدن فرار ايله مشلردى .

محاربه غايت سريع ، فقط صوك درجه مؤثر اولمشدى .
هر كس بو آنى تفكك صدرلندن خوف وهيجانه دوچار
اوليور ، سوقاقلره ياغمور كى مرميلر ياغموردى . بر
طرفدن حركت اردوسى كوكليليرى ، كچه كلاهلى ، كنج ،
مولوى كلاهلى ، آق صقاللى ، بتسون پير وجوان ،
اوموزلرنده ماوزرلر ، يوزلرى حرارت شمسدن يانمش ،
بر غيرت خارق العاده ايله ايلر يليورلردى . اهاليدن بعضارى
بو وطن پرور عسكرلره بيسكوبلر اكرام ايتك ايسته يور ،

فقط عسکر، ضابطلرک مساعده سی اولماقجه هیج برهده قبول ایتمه چکنی بیان ایلیوردی .

حرکت اردوسی افرادی ، مکتب حریبه شاگردانیله برابر تقسیم قیشله نه طوغری ایلیریلیوردی . ژاندارمه لر ده اول بک اوغلی جاده لرینی طوتمشلدی . ژاندارمه لرک برچوغی اردومزک کنج ومقتدر ضابطانندن مرکبدی . بونلر قول آغاسی ، یوز باشی رتبه لرنده اولدقلری حالده هپ نفر قیافته کیرمشلدی . ژاندارمه لر خارق العاده بر فعالیتله سوقاقلری طولاشیور ، راست کلدیکنی استجواب اییدیور ، سؤ یتنه طولاشان خانلری درحال تبه لیوردی . مکتب حریبه شاگرداننک بر بلوکی سفارتخانه لری محافظه مامور ایلمش ، بر بلوکی ده تقسیم قیشله سی قارشیسنده کی قطعاته التحاق ایله مشدی . پانفالتینک آرقه سوقاقلرندن تقسیم تعلیم خانه سی جوارینه طوغری حرکت ایدن قول سرعتله ایلیریلیور ، نجره لره اوشوشن ، مندیلمرینی صالایان قادین ، چولوق چوجوق بتون خلقلک آلقیشلری ارسنده تقسیم تعلیم خانه سنک ارقه سی آلیوردی . پاره مقابلنده شریعت طلب ایدن عاصی عسکرلر حرکت اردوسنه انقیاد ایتمک لری حالده بورادن آتسه طوتولاجقلردی .

حرکت اردوسی افرادی تقسیم قیشله سندن ایدیهلک
آتشلردن تستر ایتمک ایچون تعلیمخانه نك کریسنده آوه
بایلمش، استنادلر تعلیمخانه کریسنده کی چقورلغه
یرلشدیرلمشدی. عاصی عسکرلره اولاتسلیم اولملری تکلیف
ایدلمش، عدم موافقت جوابی آلیر آلتماز شدتلی بر آوجی
آتشی باشلامشدی. حرکت اردوسی افرادی طاغیق
نظامده بیوک بر مهارت، خارق العاده بر مکملیت ابراز
ایدیوردی. دوز و آجیق بر اراضیده، هیچ بر ستره
موجود اولماسا دینی حالده سورونه سورونه ایلریلیورلر،
قیشله نك پنجره لرینه اولدیریحی بر آتش اجرا ایله دکن
صوکره صچراملر پارمقلغه طوغری ایلریلیورلردی.

افراد پارمقلغی طوتار طوتماز تستری قطعی بر صورتده
تأمین ایتمشلر، پنجره لره طوغری شدتله بر آوجی آتشی اجرا
ایلمشلردی. عاصی عسکرلر بو آتشه مقاومت ایده، یه-
جکلرینی اکلا یورلر، حرکت اردوسی افرادی اغفال
ایچون: یاشاسین حریت! دییه باغریلیورلردی. حرکت
اردوسی افرادی بو خائن عسکرلرک سوزلرینه اینانه رق
ایلریلیورلر، فقط براز صوکره شدتلی بر آتشه دوچار

اولور اولماز درحال یره یاتیورلردی. آرتق استنادلرده
آوجی خطنه داخل اولمشلردی.
آوجی آتشی قیشله نك جاملرینی، چیر چیوه لرینی بارچه
بارچه ایتدیکی ائاده تعلیمخانه کریسنه تعبیه ایدیان طو-
پلرک شیراينلری قیشله دیوارلری اوزرنده جسیم رخنه لر
آچیوردی. آرده طوپلرک واسع، کورولتیلی صدالری
ارهنده ماکنه لی تفنکرک فاصله سز، سریع صدالری
ایشیدیلیور، ماوزرلرک خفیف پاتیردیلری بوولوله دھشت
انکیزی اکال ایدیوردی. ساعت درت بچتده: آتش کسی!
قومانده سی تقسیم تعلیمخانه سنده طین انداز اولیور،
عاصیلر مذاکره ایتمک یتتده بولونقلرینی خبریورلردی.
ساعت بشی چاریک کچه بتون افراد عاصیه تسلیم اولمش،
سلاحلرینی برافه رق حرکت اردوسنك امرینه تابع
اولمشدی.

تقسیم قیشله سنده محاربه دوام ایتدیکی ائاده طاش
قیشله ده شدتلی بر صورتده محاصره ایدیلیوردی، بو قیشله ده
اک زیاده مقاومت ایدنلر، قانون اساسی احکامنه صادق قاله جقلر
ینه دائر قرآن کریم اوزرینه یمین ایتدکلری حالده پاره یه طاپینه
رق یمینلرینی نقض ایدن، عثمانلی اردوسنده احراز موجودیت

ایله مکه هیچ بری ایاقت کسب ایدمه، ین دردنجی آوجی طایفه
بوری ایدی . بوطا نور ، پیاده آتشلرینه قارشی اومتین
بناداخلنده شدتله مقاومت ایدیور، فقط مکتب حربیه
تعلیم خانه سنه تمیه ایدیان طوپلرک مؤثر آتشلی بوعاصی
عسکرلرک قوه مغویه سنی صارصوردی . طاش قیشله
محاربه سی حقیقه مدھش اولمشیدی . افرادعاصیه ای بر
تعلیم وتریه کورمش اولدقلری جهته شدتله مقاومت اید .
بیور ، مؤثر آتش اجرا ایتک اصولنه تماماً واقف
بولتیورلردی . حرکت اردوسی افرادینک مرملری قیشله
دیوارلرینه ، پنجره لرینه یا غمورکی یا غور ، اصابت ایتدیکی
طاشلری پارچه پارچه ایدیوردی .

افرادعاصیه بر طیفدن تسلیم اولاجقلرینی اشارت ایدیور
لر، دیگر طر فدن یانلرینه طوغری ایلرله ین افراده شدتله
آتش ایدیورلردی . اوزمان محاربه کیتدکجه شدت پیدا
ایدیور، شراپنلرک تأثیر مخربی تصادف ایتدیکی دیوار .
لرده رختلر حصوله کتیریوردی . بومحاربه ساعت سکره
قدردوام ایتش، شدتلی آتشلر اجرانی، جواب رد ورن
عاصیلری ده تسلیمه مجبور ایله مشدی .

تقسیم وطاش قیشله محاربه لری ۱۱ نیسان محارباتنک اک

مهم بر صفحه سنی تشکیل ایله مشدی . حرکت اردوسی
افرادینک ، متین دیوارلر کرینسه تحصن ایدن افرادعاصیه یی
تسلیمه مجبور ایتسی بوافرادک تعلیم وتریه ده کی اقتدارینی
اثبات ایدیور ، فقط ضابطسز برقطعه نک هیچ بر ایشه
یارامدیغنی ده بتون نیاچیلله اظهار ایلدیوردی . درت ساعتدن
زیاده امتداد ایدن بومختلف محاربه لرده مجموع تلفات برقاچ
یوزه بالغ اولمش ، ارکان حربیه بیکباشیسی مختار بکله بر
ایکی ضابط شهید اولمشلردی .

* *

ساعت یدی به طوغری سوقاقلرده تک توك اهالی کورونمکه
باشلامشدی ، باب عالی جاده سی تدریجاً غلبه لقلاشیور ،
برقسم اهالی طوپلرک باب عالی ده کی تخریباتی سیره کیدیور،
بتون جاده لری حرکت اردوسی افرادی ، ژاندارمه لری
اشغال ایدیوردی . نقطه لرله اشغال اولنان ایصسز
جاده لر اورته سندن نفر البسه سی کیمش ، اللرنده ماوزر،
برجوق کوکلی ضابطلرک کوپری به طوغری سرعتله
ایلرله دیکی کورولیوردی . کوپردن بربرینی متعاقب
پیاده لر، بطریقه لرکچور، قیرمزی سنجاقلرک خفیف خفیف
تموجی قلبده برسرور نجات حصوله کتیریوردی .

آرتق خلق آقین آقین بك اوغلنه كچمكه باشلامشدى .
 بك اوغلانده بتون دكانلر قیامش ، قادین ، ارکك آقین
 آقین طولاشیور ، اسیر ایدیلن افرادعاصیه قیشله لر اوکنده
 طولانیوردی . اوتهدن براركان حربیه هیئتى توزلر ایچنده ،
 تقسیمه طوغری ایلریله یور ، عاصی عسکرلر اطرافنه طولانیان
 خلقك القیشلری اره - نده توقف ایدیوردی . مظفر
 اردو ، خلقك القیشلری اره - سنده نشوؤ ظفردن تمامیه
 حصه مند اولدینی حالده ، پاره مقابلنده وطنلری هلاکه
 سور وکله بن ذلیل عسکرلر ، سلاحلری اللرندن آلتش ،
 حب وطن حسندن نصیبی اولمیان ضابطلری ذلیل وحقیر
 قافله عصات اره - سنه قاریشمش اولدقلری حالده سوقاقلردن
 یکدجکه ، بو عاصی چتلهك قربان مظالمی اولمقدن قور تولان
 خلقك سیاستنده برعلامت نفرت حصوله کلیور ، بوتون
 خلق بو عاصی عسکرلری نظر تحقیری آلتنده
 ازییوردی . بونلرک اره - سنده خواجه ، پولیس وسائر
 ارباب ارتجاعده موجود بولونیور ، انلرک اطرافنده حرکت
 اردوسنك جسور وفدا کار عسکرلری پاك و درخشان ناصیه لری ،
 پارلاق قضا طوره لریله ایلریلیور ، بو وطن خائنلری آقشاملره
 قدر بلوک بلوک سوق ایدیورلردی .

آرتق بتون نظردقت ییلدیز محاصره - سنه ، بو مقر
 استبداده تعلق ایتمشدی . اوکیجه هرکس برسکون نام ایچنده
 اولرینه چکیلیور ، ایرتسی صباح ییلدیزك سقوطی خبریه
 محظوظ اولق امیدینی پرورده ایدیوردی . صباحلین هیچ
 برغزته انتشار ایتیمور ایدی . نيسانك اون ایکنجی کونی غزته
 یرینه حرکت اردوسنك بیاننامه لری نشر ایدیلیوردی .
 بر بیاننامه ده انضباط دائره سنك مقرراتی نشر اولونیور ،
 دیگر بر بیاننامه ده حرکت اردوسنك خلاصه مظفراتی
 مندرج بولونیوردی . دیگر ایکی بیاننامه ایسه مندرجات
 اعتباریه فوق العاده براهیتی حائر بولونیوردی . بو بیاننامه لر
 آئیده کی موادی احتوا ایدیوردی :

اداره عرفیه بیاننامه سی

مشروطیت مشروعه اداره مزك مکملأ تأیید و تقویه
 سی ایله برابر آتیا ادنی مرتبه دوچار ضعف و تزلزل
 اولماسی و وطن مقدس - مزله موجودیت ملیه عثمانیه
 مزك تأمین سلامت و بقای اسبابنك استکمالی ضمننده بو
 کره مباشرت اولنان حرکت عسکریه عون و عنایت

حقله رهین موفقیت اولمش و بونک نتایج حسنه و خیریه
سنک افتطافی و مشروطیت مقدسه مزک متین بر صورتده
تأسیس و تقویه سی فوق العاده حائز اهمیت اولان پای تحت
آسایشنک استحصال و ادامه سنه منوط و موقوف بولمش
اولدیفندن بکوندن اعتباراً استانبول و بلاد ثلثه ایله اذمید
و چتالجه سنجاقلرنده و اطهر و بکقوز و قارنال و ککبوزه
قضالرنده اداره عرفیه نك اعلان و تطبیقنه قرار ویرلدیکی
و بناء علیه بوضعه محل آسایش الك اوقاق بر حرکت اداره
عرفیه جه پك آخر مجازاتی مستلزم اوله جفندن هر کسک اکا
کوره کمال بصیرت و ابتباه اوزره حرکت ایلمسی لزومی
اعلان اولنور .

اوچنجی اردو و حرکت اردوسی قوماندانی

برنجی فریق

محمود شوکت

*
*
*

جرائد محلیه و اجنبیه دن اکثریسی حرکت اردوسنک
اتحاد و ترقی جمعیتیه مناسبتده بولندیغنی در میان ایدیورلر
بوفکر و مطالبه تمامیه خلاف حقیقتدره مهموم عثمانلی اردو



حرکت اردوسی قوماندانلرندن علی پاشا

لری، کافل فوز ونصرت عثمانی اولان اداره مشروطه نك
محافظه سی نامه عهد ومیشاق ایتیش اولملری حسیله
اخیراً استانبولده وقوعه کلن تشبثات ارتجاعیه یی احما
وبنیان دولتی ترصین املیه بالاتفاق مستعیناً بتوفیقه
تعالی استانبول اوزرینه براردو سوق ایتیشلردو . بواردو
نك قوماندانلریله ضابطان وافراندن هیچ بری هیچ بر جمعیه
و فرق سیاسیه دن هیچ بر یسنه منسوب دکلردو . اساساً
سیاسیات دولته مداخله لری قطعاً جائز اولمیان ضابطان
وافراد عسکریه عثمانیه یالکرمافوقلری طرفندن آلدقلری
اوامری حرفی حرفته اجرا ایده رک بشقه هیچ بر قوتك
تحت نفوذ وتأثیرنده بولنمیه جقلر وعکس حرکتی ثابت
اولانلر قانوناً تجزیه ایدیله جکلردو . بناءً علیه حرکت
اردو سنك بر جمعیت خفیه ویاجلییه منسوبیتی وباخصوص
اردو نك هر هانکی بر تأثیر تحتنده حرکت ایتکده بولندی
حقنده کی مدعا نك کلیاً اصل و اساسی اولمدینی اعلان و اخطار
اولتور . ۱۲ نیسان ۳۲۵

اوچنچی اردو و حرکت اردوسی

قوماندانی برنجی فریق

محمود شوکت

خلق، بوايكي بياننامه نك مواعيد سلامت بخشاستند
فوق العاده محفوظ اوليور، فقط بتون نظر دقتي بيلدیز
محاصره سته عطف ایدیوردی. اوکون سلیمیه قیشله سی ده
بلا محاربه تسلیم اولمش، بک اوغلنک طوبه طوتولاجنی،
سلیمیه نك تسلیم اولمیه جنی حقنده کی شایعه لرده اورته دن
قالقه شدی.

نيسانك اون اوچنجی كونی بیلدیز محاصره سی کتدجکه
شدت پیدا ایدیوردی. بتون مات عبد الحمیدك خلعه
انتظار ایدیور، مبعوثان دائره سنده انعقاد ایدن مجلس
ملینك مقرراتنه کمال اهمیتله دقت ایدیوردی. هر طرفه
مختلف شایعه لر دوران ایدیوردی. ملتسك یكانه املی
عبد الحمیدك خلعی ایدی. بواملی عقیم براقه جق برروایت
شایع اولور اولماز بتون سیالرده برعلامت مأیوسیت حصوله
کایوردی.

بواننده بیلدیزی احاطه ایدن خط محاصره کتدجکه
تقرب ایدیور، عبد الحمید هیج براندیشه، هیج رخوف
ارائه ایتیوردی. برطرفدن سرائک خفیه لر، تفنگجیلری،
آغالری آراهه آراهه طاشینیور. دیگر طرفدن صو وغاز
بورولری کسلیوردی. خارجه کی الکتریک ماکنه لر

کاملاً طور دیرلمش، سراهه ارزاق و مأکولات ادخالی
منع ایدلمش ایدی.

بازار ایرتسی کونی اقشامی سرایدن یوزلرجه قادیئلرک
فریادی ایشیدیلیوردی. بونلر سرائک هجوم ایله ضبط
ایدیله جکنه، کندیلرینک عسکر الینه دوشه جکنه ذاهب
اولیورلر، حرم آغالری، یاورلر، سائر آغالر فوق العاده
دوچار هراس اولیورلردی.

کیجه، محاصره خنده عظیم بر فعالیت حاصل اولمغه
باشلامشدی. محاصره خطی کتدجکه تقرب ایدیور،
پیاده و طوپچی حاکم نقطه لر اشغال ایدیوردی. بوسرده
اورتلق آغارمغه باشلامش، مرمره نك سطح پرسکونی
اوزرنده برانشعاع نظر فریب حصوله کلشدی. کونش
اسکدار تپه لرندن طوغمق اوزره بولنیور، فکرك ایلک
رنك آتشینی سونکولر اوزرینه میال زوال لمه لر سرپیوردی.
بواننده سرائک ایچنده عظیم براندیشه حاصل اولیوردی.
باش کاتب جواد بکله مابینجی نوری پاشا عبد الحمیده ارتق تردد
ایده جک زمان اولمدیغنی سویلیورلر، بیلدیزک ضبط ایدیله جکنی
قطعی برصورتده اخبار ایدیورلردی. عبد الحمید بوصول
دقیقه لرده بیله برچاره نجات تحری ایتمش، فقط بتون

جنايتلرينك صوك دقيقه لرى حلول ايتديكنى اكلاينجه ،
 عظيم برعجز وى تاي ايچنده راضى اولمشدى .
 عبد الحميدك بو موافقتى اوزرينه سراى داخنده كى
 عسكرلر برررر تسليم اوليور ، سراى باغچه سى ايله حوليسى
 حركت اردوشى ضابطانى طرفندن اشغال اولنيوردى .
 عبد الحميدك خلغ قرارى صالى كوني صباحى مجلس
 مبعوثان واعيان طرفندن صورت قطعيده و يرلمش ، بو
 باده لازم كلن فتوى بر سرعت فوق العاده ايله احضار
 اولونمشدى . بوفتوى عبد الحميدك بتون جنايتلرينى احتوا
 ايدنيوردى :

فتواى شرعى

امام المسلمين اولان زيد بعض مسائل مهمه شرعيه يني
 كتب شرعيه دن طى و اخراج و كتب مذكوره يني منع و
 خرق و احراق و بيت الماله تبذير و اسرافله مسوغ
 شرعى خلافتده تصرف و بلا سبب شرعى قتل و حبس
 و تغريب رعيه وسائر كونه مظالمى اعتبارا دايلد كدن صكره
 صلاحه رجوع ايتك اوزره عهد و قسم ايتمش ايكن يميننده
 خانت اوله رق احوال و امور مسلمينى بالكلية مختل قيله حق

فتنه عظيمه احداثنده اصرار و مقاتله ايقاع ايتمكه منع
 مسلمين زيد مزبورك تغلبى ازاله ايتدكلرنده بلاد اسلاميه نك
 جوانب كشير سندن مزبورى مخلوع طانيدقارينه دائر
 اخبار متواليه ورود ايدوب مزبورك بقاسنده ضرر محقق
 وزوالنده صلاح ملحوظ اولمخين زيد مزبوره امامت و سلطنتدن
 فراغت تكليف ايتك و يا خلغ ايتك صورتلرندن هانكيسى
 ارباب حل و عقد و اولساى امور طرفندن ارجح كوريلور
 ايسه اجراسى واجب اولورمى ؟

الجواب

اولور .

كتبه الفقير

السيد محمد ضياء الدين

عفى عنه

فتواى شرعى صادر اولور اولماز عبد الحميده خلغ
 قرارينى تبليغ ايچون بر هيئت كوند رلمشدى . هيئت ، اعياندىن
 عارف حكمت پاشا ، آرام افندى ، مبعوثاندىن اسعد پاشا
 و امانوئل قره صو افنديدن مركبدى . هيئت پياديژه كلير

گلز ژاندرمه و پولیس مفتشی میرالای غالب بکی بولاش ،
 غالب بک ده باش کاتب جواد بکه مراجعت ایدره هیشک
 عبدالحمیدی کورمک ارزوسند. بولوندیغی تبایغ ایله مشدی.
 جواد بک ، عبدالحمیددن آدیغی مساعده اوزرینه هیئت
 ایله برابر چیت کوشکنک حرم دائره سینه کلش ،
 اوزمان حرم قپوسی قاپانمشدی . هیئت دائره نك الت
 قاننده بر اوطه یه داخل اولدیغی ائشاده عبد الحمید آیاقده
 طورییوردی . اوطه ده متعدد قولتوقلر ، جسم بر آویزه ،
 ایکی بیوک آینه ، اوزرنده بر بطنیه بولونان اوزون بر قولتق
 بولونیوردی. عبد الحمیدک یاننده اوغلی عبدالرحیم افندی
 بولونیور ، غالب بکه جواد بک ، یدی سکر حرم آغاسی ،
 اوچ بش خدمه اوطه قپوسنده طورییورلردی . هیئت
 اوطه یه کیردیکی زمان ایچریده قادینلرک فریادی ایشیدیلیر ،
 عبد الحمید اوتوز اوچ سنه لك مشاغل غدارانه سندن بیتاب
 بر حالده آیاقده بولونیوردی. عبد الحمید سیاه بر چاکت کیمش ،
 اوزرینه بر پاردده سو آلمش ، پاردده سونک دوکله لرینی کاملاً
 ایلیکله مشدی . عبدالرحیم افندی ایسه یاننده ، سیویل بر
 البسه کیمش ، ایکی الی کوکسنده ، احترامکارانه بروضیت
 آلمشدی .

هیئت اوطه یه داخل اولور اولماز اسعد پاشا عبد الحمیده
 بر خطوه قدر تقرب ایدرک عسکرجه بر سلام ویرمش ،
 بعدده شوصورتله خطاب ایله مشدی :

— ملت مجلسی طرفندن مأموراً کلدک ، فتوای
 شریفه یه مبنی ملت سنی خلع ایتدی. تبلیغ ایدیورز. مع
 هذا حیاتکزه اولاد و عیالکزه حیاتی امیندر .

اسعد پاشانک بونطی ، عسکرانه تبلیغاتی ختام بولور
 بولماز عبد الرحیم افندی قسایه قپانه رق فریاد ایدیور ،
 هنچقره هنچقره آغلا یوردی . اسعد پاشا یه عسکرجه
 بر تمنا ایدره ک هیئته برابر چکلکم اوزره ایکن عبد الحمید
 مستمندانه بر طور ایله هیئتک ارقه سندن باقیور :

— بعض افاداتم واردر . مساعده ایدیکز ، کیتیمیکر .
 بنی بوراده یالکز بر اقاییکز . صوکره یارین نه بن سزنی کوره
 بیلیرم ، نه ده سزنی . حیاتم امینمیدر ؟

دیور و یالور ایدیوردی .
 عبد الحمیدک اصراری اوزرینه اسعد پاشا تکرار کری
 دونمش ، عبد الحمیده :

— عثمانلی ملتی نجیدر ، اصیلدر . اونلر بر پادشاه
 معزولنه نه یامق لازم کلدیکنی بیلیرلر . تکرار ایدیورم :

جانکز ، اولاد وعيالکړک حياتی اميندر .

جوانی ویرمندی .

عبد الحميد متصل نفسی محافظه چالیشور :

— بنی بوراده برافرايکړ . چراغان سترایه کیده .
بورادن اورایه باغچه دن کیديله بیلیر . عالمه می باغچه دن کتور یرم .
یالکز آره مزده قاق کوچ واردر . صلاح الدین افندی
چراغاندن چکلیسین . برده نیم برکوشکم وار . کندم
یادیرمشم . معهود کال الدین پاشا ضبط ایتدی . دعوی
ایده جکدم . وقتی کله مشدی .

دیوردی . عبد الحميد بوسوزلری سویلرکن چکه سی
تیره یور ، بکزی فنا حالده اوچش ، غضوبانه ، قورقونج ،
برسیا ایله سوزنده دوام ایدیور :

— بن ذاتاً ایشک بویه اولاجغنی بیلیوردم . برادری
اوتوزاوج سنه صاقلادم . اوده بنی محافظه ایدر ظن ایدرم .
دیوردی .

فقط اسعد پاشا عبد الحميدک جنایتلری
ستر ایچون سویله دیکی بوسوزلره قطعاً اهمیت ویرمهش ،



شهید حریت بیکباشی مختار بک

کندیلرینک یالکز خلی تبلیغہ مأمور اولدقلرینی قیصہ جہ
افادہ ایلمشدی .

هیئت قبولدن چیقمدینی زمان ، عبدالحمید ، سلطنت
مستبدانہ سنک صوک دقیقه لرینی حدتبلر ، عصبی هیجانلر ایچنده
کچیریور ، حرم طرفندن چیقان آجی آجی فریادلر توکلری
اور پرتیوردی .

ملت بوز سعادتی کورمک سعادته نائل اولمشدی .
 عبدالحمید خلع ایدلمش ! بوتیشیر ، قلبده اوילה فرخ
 وشادی حصوله کتیریوردی که ، بونی هیج برمسرتله ،
 هیج بر سعادته مقایسه ایتک قابل دکلدی . بوسرور بتون
 ملتک سروری ، بوسعادت بتون ملتک سعادتی ایدی . الله !
 اونه مسعود ، نه مبارک بریوم شادی ایدی ! خلق فوج فوج
 حربیه نظارتنه کیدیور ، یکدیگریله کوروشن ایکی
 ارقداش متبسم ، نشئه دار برسیما ایله بو بشارت عظمادان
 بحث ایدیور ، قلبلر بر هیجان سرور ایچنده ضربان
 ایلیوردی . عبدالحمید خلع ایدلمشیدی ! ملتق سنه لرجه ازوب
 محوایدن بو وجود مظالم الود آرتق صحنه سیاسیاندن ابدیاً
 چکلمشدی . بویوم خلاص ، عثمانلیلرک اک بیوک برکونی ،
 اک مسعود بریوم سعادتی ایدی !

حربیه نظارتنده کی حاضرقلر قلبده عظیم بر حظ
 و سرور حصوله کتیریوردی . بر زمانلر ، عبدالحمیدک
 محافظه استبدادی ایچون بسله دیکی نانکور عسکرلرک مجمع
 عصیانی اولان بومیدانده ، شمسی رسنه طابوری ملی
 البسه سی ، بیاض کلاهلی ، توپلی چیکنلری ، مردانه
 طورلریله عرض اندام ایدیور ، استحصال حریت ایچون

۵ . جلوس شنککری ، عبدالحمیدک تبعیدی

۱۴ نیسان - جلوس تدارکاتی - حربیه نظارتی میدانده ، -
 محمد شاد افندی حضرتلرینه تبلیغ جلوس - تاجدار جدیدک
 حربیه نظارتنه ورودی - رسم بیعت - جلوس طوبلری -
 عودت شاهانه - ۱۵ نیسان کبیجه سی - جلوس دونمائی -
 عبدالحمیدک سلائیکه اعزامی - ملتک خلاصی .

۱۴ نیسان صباحی عبدالحمیدک خلعی حوادثی اطرافه
 شایع اولور اولماز ملت کنیش بر نفس آلمشدی . کیمک
 سیماسنه عطف نظر ایدلسه ، برهفته لک انقلابک ، متمادی
 قنک کورولتیلرینک ، قانی و غدارانه جنایتلرک تأثیریه
 حصوله کلن ملال انکی اصراره بدل شمسی برلعه نشاط
 حصوله کلیور ، ملت عبدالحمیدک فلاکت سلطنتندن خلاص
 اولمقدن متولد بر سرور فوق العاده اظهار ایدیوردی .
 آرتق سنه لردن بری دوش بدبختی ملتده عظیم بر بار طاقفرسا
 حالنده حکم فرما اولان کابوس مشخص اورته دن قالمش ،

جائی فدا ایدن بو قهرمانلر قلمده عظیم بر حرمت تولید ایدیوردی . اوتده ییشیل ، نظر فریب چنلر اوزرنده حرکت اردوسی طوپچیلرینک بیاض چادرلری منظور اولیور ، اردهده صرهدده امرکتین برنفرک توزلرایچنده آت قوشدیردینی کورولیوردی . سلطنت قپوسنک ایچ طرفه بر چوق کنج ضابطلر ، اللرنده ماوزر ، قهرمان کوکلایلر طوبالانمش ، بویوک کونک بتون سوابقی نقل ایدیور ، طیشاریده بیغین بیغین کلن خلقلک ، سرعتلی سرعتلی قوشان بارکیلرک ، آرابه لرک کورولتیلری ایشید یلیوردی . بر طرفدن سوقاقلر بایراقلرله دونادیلور ، دیگر طرفدن حربیه نظارتی میداننده کی بطربه ، ملتہ عبدالحمیدک استبدادندن ابدیاً خلاص اولدینی مدید طراقه لریله تبشیر ایچون فوق العاده حاضرلقده بولنیوردی .

سلطنت قپوسندن حربیه نظارتی دائره سنک بایز بدجامع شریفنه ناظر قپوسنه قدر امتداد ایدن میدان اوزرنده ، صاغ طرفده رسنه ملی طابوری ایلہ ایکنجی اردوسواری افرادی ، صول طرفده اوچنجی اردو طوپچیلری ایلہ حریت اردوسی افرادی اخذ موقع ایتمشردی .

ساعت یدی یه طوغری اعیان ومبعوثان اعضاسی

حربیه نظارتیه کلیور ، ایکی صره تشکیل ایدن افراد ارده سندن دردر بشر مبعوثک کچدیکی کورولیوردی . محمدرشاد افندی حضرتلرینه تبشیر سلطنت ایچون بر هیئت مبعوثه کوندلمشدی . هیئت مبعوثه طولمه باغچه سراینه کلهرک رشاد افندی حضرتلرینه عرض معلومات ایتمش ، بر از صوکره رشاد افندی حضرتلری صالونی تشریف ایلہ مشدی . رشاد افندی حضرتلرینه ملتک کندیلرینی مقام سلطنته اجلاس عزمنده بولندی ، بر از صوکره بر هیئت کلهرک کندیلرینی آلاجنی ، بناء علیه اعتدال اوزره حرکت ایتلری بیان اولمش ، رشاد افندی حضرتلری جواباً شو مطالعهده بولونمشدی :

— اوتوز اوچ سنه در اعتدالمی محافظه ایتدم . بو مدت ظرفنده دائماً ملتک سلامت وسعادتنه دعالر ایتدم . مادام که ملت بی آرزو ایدیور ، مع النشکر بو خدمتی قبول ایدرم . برنجی ایلیم شرع شریف وقانون اساسی موجنبجه اجرای حکومتدر . ملتک آرزو وآمالندن ذره قدر انحراف ایتم . جناب حق موفقیات احسان ایدرسه بختیارم .

صوکره ، هیئتک نه زمان کلہ جکی ، کندیلرینی نره یه

کوره چکنی سئوال ایتش ، هیئتک یارم ساعته قدر کله جکی وکندیلر نی بیعت ایچون حربیه نظارتنه کتوره جکی بیان ایدلمشدی . فی الحقیقه یارم ساعت صوکره کلن هیئت ، رشاد افندی حضرتلرینی آلهرق طولمه باغچه دن حرکت ایتش ، طوبخانه دن آتیلان طوبلر بتون ملتک قلمبنده برسرور و شادمانی حصوله کتیره شدی .

شهریار جدید غازی احمد مختار پاشا ایله برابر بر استمبوطه راکب اولمشدی . بواسطه طوبی دهابر قاج استمبوط تعقیب ایدیور ، واپورلر بایراقلرله دونانیور ، بتون سفینه لر راسمه سلامی ایفا ایدیوردی .

استمبوط سرکه جیه واصل اولدینی زمان حربیه شاگردانی طرفندن استقبال ایدلمشدی . تاجدار جدیدک بتون وطن قهرمانلری اره سنده بشوش و متبسم برسیما ایله کچدیکنی کورن خاق نشوولرندن اللرینی چیرپیور ، چوق یشا آوازه سی متمادی بر صورتده عیوقه ایصال ایدیلیوردی . ساعت سکزی یکرمی کچه حربیه نظارتی میسداننده طنین انداز اولان حاضر اول بوروسی . اوو اسع میدانده عظیم برفعالیت حصوله کتیره شدی . رسنه قهرمانلری

در حال حاضر اول وضعیتی آلبور ، (سلام طور) بوروسی اوزرینه بتون سلاحلر برسرعت فوق العاده ایله سلام طور وضعیتنه کتیریلدیوردی .


آرتق هرکس ، تاجدار جدیدک ظهورینه صبر سزلقله انتظار ایدیلیوردی . بوانتظار صمیمانه اثناسنده ایدی که مکتب حربیه سواری شب کردانی بر رفتار سریع ایله سلطنت قپوسندن حربیه نظارتنه طوغری ایلیریلدور ، صوکره منظم برچرخ حرکتی یاهرق صاغ طرفده ، رسنه ملی طابورینک اره سنده اخذ موقع ایدیلیوردی . بواننده شهریار جدیدک سیاه ، ساده بر قوپه آرا به سی ایچنده بیاض کلاهلی کوکلایلر ، رسنه قهرمانلری اره سنده آهسته آهسته ایلیریله دیکی کورولیور ، بتون یورکلردن تره ک برصدا ایله چیقان چوق یشا آوازه سی ایشیدیلدیوردی . بوصدا متوالی ، صمیمی بر صورتده عکس انداز اولیوردی . بوآلای حقیقه ملی ، صمیمی برآلیدی . پادشاه ، ساده بر آرا به ایله ملی اره سندن کچبور ، ملت سفر بر قیافتی ، ملی البسه سیله پادشاهنی استقبال ایدیلیوردی . ذات شاهانه حربیه نظارتنه داخل اولدقلری ائنده بتون ارکان ، امرا و ضابطان سونجیلرندن اللرینی چیرپیوردی .

شهریار جدید ، سیاه بر بارده سو کیمش ، باشند قیر مزی
برفس ، سیمای بشوش و منور یله مردیونلردن چیقور ، بتون
ضابطان صمیمی ، سورکلی بر صورتده ال چیرپه رق محترم
قوماندانلرینی استقبال ایدیورلردی .

ذات شاهانه دائره فاخره بی شریف ایتدیکی صرهده
موزیقه وطن هواسنی ترنم ایدیورلردی . بر طرفدن غایت پایغ
بر دعا او قونیور ، بتون حاضر و ن بودعایه کمال صمیمیتله آمین
خوان اولیورلردی . دعائک ختامنده سلطان محمد رشادخان
خاس حضر تلی بر طور بشوشانه ایله حضاره خطاب ایتمش ،
آیدکی نطق ایراد ایدیورلردی :

— حق مزده اظهار اولنان حسن قبول عمومه یسدن
طولای چوق تشکرلر ایدرم . اصل حریتک ایلک پادشاهی
اولد یغمدن طولای مفتخرم . بندن سوکره کان ایکنی جیسی
اولا جقدر !

سوکره ، رسم بیعت غایت پارلاق بر صورتده اجرا
ایدیلورلردی . موزیقه وطن هواسنی ترنم ایدیور ، طولای
کورل کورل آتیلورلردی . بو ترانه حریت هر کسده عظیم
بر سرور و ابتهاج حصوله کتیریور ، بتون مبعوثان ،
اعیان و ضابطان یکدیگرینی متبسمانه تبریک ایدیورلردی .



حریت اردوسنک استانبوله صورت دخولی

آرتق رسم بیعت خنام بولش، شهریار جدید مظفر
عسکرلرک آوازۀ تجیلاتی اره سنده عودت ایدیور،
خلقک سرورینه پایان تصور ایدیلهمیوردی . کردونه
پادشاهی، دیوان یولندن طوقیویه طوغری آهسته آهسته
کچدیکی انشاده آلقیشلر، نشئه لر هر طرفده بر سور خلاص
وجوده کتیریوردی .

ذات شاهانه خرقۀ سعادتیه زیارت ایتیش ، ساعت
اون بر بحقده بغداد قصرندن طولمه بانچه سراینه عودت
ایله مشدی .

*
*
*

او آقشام هر کسک قلبنده عظیم بر مسرت حکم فرما
اولیوردی . دونما تدارکاتنه کمال فعالیتله غیرت اولونیور،
عبدالحمیدک ظلم واستبدادنندن خلاص اولان ملت، عظیم بر
سرور و ابتهاج ایچنده بولونیوردی . بر طرفدن اعلان
شادمانی ایچون هر طرفدن سلاح آتیلیور، دیگر طرفدن
خلق سرورینی ، سعادتیی اظهار ایچون نه یاپه جفنی
شاشیریوردی . بو سرور و شادمانی کیجه لره قدر امتداد
ایتیش ، او کیجه شهرک هر طرفی پارلاق بر صورتده
تنویر ایدلمشدی . بو تنویرات ایچنده هر کس خرم و

شادان بر آتی پر سعادت حاضر لانیور، دور مشوم حمیدینک
 ابدیاً ختام پذیر اولمسندن متولد بر نشوؤ فوق العاده ایچنده
 بولونیوردی . اسکدار ساحلارنده ، چاملیجه تپه لرنده ،
 بك اوغلی جاده لرنده کی تنویرات نظره بر مژده سعادتله
 کولومسرکن ، ییلدیزك شعلة استبدادی ابدیاً سونمش
 بولونیوردی . بو ائنده ، ییلدیز جاده سنك ظلام پرسکونی
 آرهنندن کچن ایکی سوازی بلوکی ایله ایکی زرهللی
 اوتوموبیل ، سرایك بیوك قپوسی اوکنده بکلیوردی .
 آرتق نصف اللیل اولمش ، ساعت قله سنك مدید ، اوغولتیلی
 طینلری او ایصسز بنالر ایچنده عکس انداز اوامغه باشلامشدی .
 بو ائنده حریت اردوسی افرادندن دوت ضابط ، باغچه نك
 قوملی طرحلری اوزرنندن ، منتظم ، ظلال آود چاملر
 ارهنندن چیت کوشکنه طوغری ایلریایوردی . بو هیئت ،
 عبدالحمیده حرکت اردوسی قوماندانلغنك صوك قرارینی
 تبلغ ایده جکدی .

هیئت ، چیت کوشکنه داخل اولدینی ائنده عبدالحمید
 حرمده ایدی . حرمندن بر چوق فریادلر ، آغلاشلر ایشید .
 یلیوردی . عبدالحمیده باش کاتب طرفندن خبر ویریلیر ویرلر
 طیشاری چیقدی . بکزی صارارمش ، سیاسی هیجان آود ،

هان تتره یه تتره یه یورو یوردی . عبدالحمید ، اوراده ، بر
 قولتوغه او طور دی . هیئندن بر ضابط ، عبدالحمیده طوغری
 ایلرلیه رك دیوان حرب عرفی طرفندن ویریلن قرار
 موجبنجه کندیسنك سلائیكه اقامت ایده جکنی تبلیغ ایتدی .

عبدالحمید بر دنبره دوچار تلاش اولارق :

— نه زمان ایده جکم ؟

دیهه صوردی . ضابط :

— همان شمیدی افندم ، هرشی حاضر در !

جوابی ویردی .

بو حوادث عبدالحمیدی عظیم بر خوف و دهشته

دوچار ایتدی . همان اوراده بابیلاجق بر حاله کلدی .

یالواردی ، حرمه کیدوب طیشاری چیقماق ایسته دی .

بو مناقشه بر ایکی ساعت دوام ایتدی . نهایت هیئتنك

یانه کلدی . کندیسنك چراغان سراینده بر اقله سی ایچون

رجار ایتدی . فقط بو قرارك دیکشمنی غیر قابلدی .

عبدالحمید اوزون برسکوتدن صوکره جواب ویردی :

— باری حیاتم محافظه ایدیه جکمی ؟ حیاتم بر شی

اولاجقسه ، بوراده اولسون !

اوزمان ، بر چوق حیاتلری محو و پریشان ایتکدن

چکینمه یین ، محافظه حیاتی ایچون ملتی نجه اسارت آلتده
ایکله تن بو ییلدیز منویسنه ، حیاتنک محافظه ایدیه جکی
صورت قطعیه ده بیان ایدلدی . عبدالحمید ، مترده ، مایوس
بر سیا ایله :

— اوت ، هپ بویله سویلیورلر؛ یا صوکره ...

دیدى . سوزینی بیتیره مدی . فقط اوراده حاضر
بولونان عبدالرحیم افندی ایله باش کاتب ، بو وعدک طوتولوب
طوتولیه جغنی بلکه اون بش دفعه سئوال ایتدیلر . نهایت
عبدالحمید کوزلرندن یاشلر آفرق :

— اجدادمدن هیچ برینک دوچار اولمדיغی بر جزایه

بنی نصل لایق کوریورلر ؟ دییه باغیردی .

فقط هیچ دوشونموردی که اجدادندن هیچ بری ملنک کوز
یاشلری ، معصوم قانلری ایچنده ادا ، استبداد ایتمه مدی . هیچ
دوشونموردی که ، محاربه میدانلرنده سنه لرجه اوغراشهرق ،
صاف ، مقدس قانلرینی دوکهرک اجدادینک فتح ایله دکاری
یرلری ، کندیسى صرف ادا ، استبداد ایچون دشمنلره
تسلیم ایتمش . ملتی قهر و ادبار ایچنده یاشاتمش ، عثمانلیق
ناهنی سیئات متوالیه سیله لکهدار ایله ، شدی . ملت ،
اجدادینک اک محترملرینه لایق اولدقلری احتراماتی

ایفا ایتمش ، الظالملرینی ایسه خلع وتدمیر ایدهرک اخلاقنه
قانلی بر نمونه عبرت ابراز ایله مشدی .
عبدالحمیدک بوسوزینه قارشى :

— اجدادیکردن بر چوغنک مع التأسف دوچار

اولدقلری فلاکتدن سزى تخلص ایچون بویله یاییلیور .
جوانی ویرلدى . اوزمان ، درین بر سکون حاصل اولدى .
حرم قادیلرینه کینمه لری تنیه ایدلدی . دوت آراهه
احضار ایدلشیدی . عبدالحمید آراهیه بیندیکی صره ده
بیتاب بر حالده بولونیوردی . آراهه نك اوکنده و ارقه سنده
قوتلی بر سواری مفرزه سی بولونیور ، اک اوکده زرهللی
اوتوموبیل حرکت ایدیوردی .

آراهه لر بشکطاش ، طوپخانه طریقيله سرکه جی به
متوجهاً حرکت ایدیوردی . آراهه لک کچه جکی یوللر
کاملاً عسکرله احاطه ایدلشیدی . عبدالحمید ، شهرک ظلمت
کشیفه سی ایچنده ، صوک جنایتنک مجازاتی کوریوردی .
آراهه لر کوپریدن کچه رک سرکه جی به کلدیکی زمان برصالونلی
واغونله اوچ واغوندن مرکب بر قطار عزیمته مهیا بولو .

(۹۴)

نیوردی . ساعتیدی به کلمشدی . استاسیون هر طرفدن
عسکرله احاطه اولونمشدی .

عبدالحمید واغونه بینه جکی صرهدده قادیترله معاونت
ایدیور، صوکره معدن صوینی اولماق اوزره ایچیله جک
صوایستیوردی . استاسیونک تنویرات مشعشعه سی اورتیه .
سنده ضابطانک بارلاق اونیفورمه لری کورولیوردی .
عبدالحمید کول رنگلی بر جاکت کیمش ، چهره سنده ملال
واندیشه نمایان اولیوردی . عبدالحمید سالونلی واغونه ،
آلتی ضابط ایله یکریمی نفرده دیگر واغونلره یینمشلردی .
ترن ، آفرانغه ساعت ایکی قرق بش کچه حرکت
ایدیوردی . فقط استاسیونده . شمدی به قدر هیچ بر زمان
بویله بر ترن حرکت ایتمه مشدی . ترنک حرکتی ائناسنده
نه وداعلا شمع ، نه سلاملا شمع ، هیچ بر شی اولیور ،
هیچ بر مراسم ایفا ایدلیور ، هیچ بر باش کوزوکیوردی .
ییلدیز مستبدینی حامل اولان بو ترن تیز بر چیغلق
قوپارهدق حرکت ایدیور . بر هیولای مظلم حالنده .
کشیف . قورقونج ظلمتلره قاریشیوردی . اوزمان ،

(۹۵)

قارشیده ، اسکدار ساحلنک ظلمتلر ایچنده قالان
بر کوشه سنده ، اظهار سرور ایچون یانان فنارلرک نظر
فریب ، متهز ضیالری مرمره نک قارا کلق طالع لری
اوزرنده تتره شیوردی . . .

صوکره